

萬 有 文 庫

第一集一千種

王雲五主編

宋十六名家詞

(五)

毛晉編

商務印書館發行

宋十六名家詞

(五)

毛晉編

國學基本叢書

題周美成詞

文章政事初非兩塗學之優者
發而為政必有可觀政有其暇
則遊藝於詠歌者必其才有餘
乃者也溧水為負山之邑官賦
浩穰民訟紛沓似不可以絃歌
為政而待制周公元祐癸酉春
中為邑長于斯其政敬簡民到

于今稱之者固有餘愛而其尤
可稱者於撥煩治劇之中不妨
舒嘯一觴一詠句中有眼膾炙
人口者又有餘聲：洋：乎在
耳則其政有不止者存余慕周
公之才名有年于茲不謂於八
十餘載之後踵公舊蹤既喜而
且媿故自到任以來訪其政事

於所治後圃得其遺致有亭曰者在 upper 果以公之詞為首唱夫
姑射有堂曰蕭閒皆取神仙中然後知邑人愛其詞乃所以不
事揭而名之可以想像其襟抱忘其政也余欲廣邑人愛之
之不凡而又覩新綠之池隔浦意故哀公之詞旁撈遠紹僅得
之蓮依然在目抑又思公之詞百八十有二章釐為上下卷迺
其撫寫物態曲盡其妙方思有輟俸餘鳩工鏤木以壽其傳非
以發揚其聲之不可忘者而未惟慰邑人之思亦蘄傳之有所
能及乎暇日從容式燕嘉賓歌托俾人聲其歌者足以知其本

之優於為邑如此故冠之以序
而述其意云公諱邦彥字美成
錢塘人也淳熙歲在上章困敦
孟陬月圍赤奮若晉陽強煥序

片玉詞目錄

卷上

瑞龍吟 一詞

風流子 二詞

華胥引 一詞

意難忘 一詞

宴清都 一詞

蘭陵王 一詞

鏤窗寒 一詞

隔浦蓮 二拍 一詞

蘇幙遮 一詞

早梅芳近 二詞

四園竹 一詞

驀山溪 一詞

側犯 一詞

齊天樂 一詞

荔枝香近 二詞

水龍吟 一詞

六醜 一詞

塞垣春 一詞

掃花遊 一詞

夜飛鵲 一詞

滿庭芳 一詞

花犯 一詞

大酺 一詞

霜葉飛 一詞

法曲獻仙音 一詞

渡江雲 一詞

應天長 一詞

玉樓春 五詞

傷情怨 一詞

品令 一詞

木蘭花令 一詞

秋蕊香 一詞

菩薩蠻 一詞

玉團兒 一詞

醜奴兒 三詞

感皇恩 二詞

宴桃源 二詞

月中行 一詞

漁家傲 二詞

定風波 一詞

蝶戀花 十詞

紅羅襖 一詞

少年遊 四詞

還京樂 一詞

解連環 一詞

綺寮怨 一詞

玲瓏四犯 一詞

丹鳳吟 一詞

憶舊遊 一詞

拜星月慢 一詞

倒犯 一詞

減字木欄花 一詞

木蘭花令 一詞

驀山溪 二詞

青玉案 一詞

一剪梅 一詞

水調歌頭 一詞

南柯子 三詞

關河令 一詞

鵲橋仙令 一詞

花心動 一詞 雙頭蓮 一詞

長相思 四詞 大有 一詞

萬里春 一詞 鶴冲天 二詞

卷下

解語花 一詞 鏤陽臺 三詞

過秦樓 一詞 解蹀躞 一詞

蕙蘭芳引 一詞 六么令 一詞

紅林擒近 二詞 滿路花 二詞

氏州第一 一詞 尉遲盃 一詞

塞翁吟 一詞 遶佛閣 一詞

慶春宮 一詞 滿江紅 一詞

丁香結 一詞 三部樂 一詞

西河 二詞 一寸金 一詞

瑞鶴仙 二詞 浪淘沙慢 二詞

西平樂 一詞 玉燭新 一詞

南鄉子 五詞 望江南 二詞

浣溪沙 十詞 浣溪沙慢 一詞

點絳脣 四詞 夜遊宮 三詞

訴衷情 三詞 一落索 二詞

迎春樂 二詞 虞美人 六詞

醉桃源 二詞 鳳來朝 一詞

垂絲釣 一詞 粉蝶兒慢 一詞

紅窗迥 一詞 念奴嬌 一詞

黃鸝遶碧樹 一詞 鬢雲鬆令 一詞

芳草渡 一詞 歸去難 一詞

燕歸梁 一詞 南浦 一詞

醉落魄 一詞 畱客住 一詞

長相思慢 一詞 看花廻 二詞

月下笛 一詞

補遺

十六字令 一詞 浣溪沙 二詞

憶秦娥 一詞 柳梢青 一詞

南鄉子 一調 蘇軾 一調

畫錦堂 一調 齊天樂 一調

女冠子 一調

片玉詞目錄 終

宋六十名家詞 五片玉詞目錄

片玉詞卷上

宋 周邦彥

瑞龍吟

章臺路。還見褪粉梅梢，試萼桃樹。惜惜坊陌人，家定巢燕子。歸來舊處。黯凝佇。因記箇人癡

小乍窺門戶。侵晨淺約宮黃障。風映袖。盈盈笑

語。前度劉郎重到。訪隣尋里，同時歌舞。唯有

舊家秋娘。聲價如故。吟牋賦筆，猶記燕臺句。知

誰伴名園露。飲東城。閒步事與孤鴻去。探春盡

是傷離意緒。官柳低金縷。騎晚。縱纖池塘飛

雨。斷腸院落一簾風絮。

此詞自章臺路至歸來舊處是第一段自踏

正平調自前度劉郎以下即記大石係第二段

至瑞龍吟以下四句再歸正平坊到苦于聲價

如故分段者非。侵晨淺約宮黃或作宮黃非

取梁簡文帝詩粉黃能放月非詩宮人面屬黃

叔三詩明日于策馬出共卷初疑了髮畢於此

風流子

楓林凋晚葉。關河迥。楚客慘將歸。望一川曠靄

雁聲哀。怨半規涼月。人影參差。酒醒後。淚花銷

鳳蠟。風懷卷。金泥砧杵。韻高喚。回殘夢。綺羅香

減。牽起餘悲。亭皋分襟地。難堪處。偏是掩面

牽衣。何況怨懷長結。重見無期。想寄恨書中。銀

鈎空滿。斷腸聲裏。玉筯還坐。多少暗愁。密意唯

有天知

又

新綠小池塘。風簾動。碎影舞斜陽。羨金屋。去來

舊時巢燕。土花綵繞。前度莓牆。繡閣裏。鳳幃深

幾許。聽得理絲簧。欲說又休。慮乖芳信。未歌先

噎。愁轉清商。遙知新粧了。開朱戶。應自待月

西廂。最苦夢魂。今宵不到伊行。問甚時。却與佳

音密耗寄將秦鏡偷換韓香天便教人霎時所

見何妨寄將秦鏡偷換韓香一作秦女韓郎非致賈充文悅韓壽美妾遠通馮竊奇香以與壽樂府云盤龍明鏡納奉嘉祥

惡生寄韓壽美成全用此作對

華胥引

川原澄映煙月冥濛去舟似葉岍足沙平蒲根

水冷雁雁唳別有孤角吟秋對曉風鳴軋紅日

三竿醉頭扶起還怯 離思相縈漸看看鬢絲

堪鑷舞衫歌扇何人輕伶細閱點檢從前恩愛

鳳牋盈篋愁剪燈花夜來和淚雙疊舞衫歌扇一作舞靴

非魏詩云舞衫飄細氣歌扇掩輕紗

意難忘

衣染鴛黃愛停歌駐拍勸酒持觴低鬟蟬影動

私語口脂香簷露滴竹風涼拚劇飲淋浪夜漸

淡籠燈就月子細端相 知音見說無雙解移

宮換羽未怕周郎長顰知有恨貪耍不成粧些

箇事惱人腸試說與何妨又恐伊尋消聽息瘦

損容光周翰少精音樂雖三爵之後其有闕疎驗必知之必爾故時人語云未怕周郎

一作江郎非攷曲有誤周郎

宴清都

地僻無鐘鼓殘燈滅夜長人倦難度寒吹斷梗

風翻暗雪灑窗填戶寶鴻漫說傳書算過盡千

儔萬侶始信得使信愁多江淹恨極須賦 淒

涼病損文園微結乍拂音韻先苦淮山夜月金

城算草夢魂飛去秋霜半入清鏡歎帶眼都移

舊處更久長不見文君歸時認否

蘭陵王

柳陰直煙縷絲絲弄碧隋堤上曾見幾番拂水

飄綿送行色登臨望故國誰識京華倦客長亭

路年去歲來應折柔條過千尺 閒尋舊蹤跡

又酒趁哀絃燈照離席梨花榆火催寒食愁一

箭風快半篙波暖回頭迢遞便數驛望人在天

北 悽惻恨堆積漸別浦紫迴津候岑寂斜陽

冉冉春無極念月榭攜手露橋聞笛沉思前事
似夢魂裏淚暗滴

鏤窗寒

寒食

暗柳啼鴉單衣竚立小簾朱戶桐陰半畝靜鏤

一庭愁雨灑空堦夜闌未休故人剪燭西窗語

似楚江暝宿風燈零亂少年鬢旅遲莫嬉遊

處正店舍無煙禁城百五旗亭喚酒付與高陽

儕侶想東園桃李經春小唇秀靨今在否到婦

時定有殘英待客攜樽俎時刻或于遲暮下分段

隔浦蓮

近拍 中山縣園姑射亭避暑作

新篁搖動翠葆曲徑通深窈夏果收新脆金丸

落驚飛鳥濃藹迷岍草蛙聲鬧驟雨鳴池沼水

亭小浮萍破處簾花簷影顛倒綸巾羽扇困

臥北窗清曉屏裏吳山夢自到驚覺依前身在

江表

時刻或于池沼下分段。金丸落驚飛鳥一作金丸落飛鳥注引李賀詩云聞把金丸落驚飛鳥改韓媽好彈以金為丸打飛鳥一

日所失十餘人爭拾之時人為之語曰若飢寒運金丸。簾花簷影一作簾花簷影杜子美詩云燈前細雨簾花落盡簾前雨映燈光如花爾或改簾前細雨燈花落便無致味謝美成用簾花卷詞選作簾花簷影今從之

蘇幕遮

燎沉香消溽暑鳥雀呼晴侵曉窺簷語葉上初

陽乾宿雨水面清圓一一風荷舉故鄉遙何

日去家住吳門久作長安旅五月漁郎相憶否

小檝輕舟夢入芙蓉浦

早梅芳

近拍 詞無近字

花竹深房櫳好夜聞無人到隔窗寒雨向壁孤

燈弄餘照淚多羅袖重意密鸞聲小正魂驚夢

怯門外已知曉去難留話未了早促登長道

風披宿霧露洗初陽射林表亂愁迷遠覽苦語

縈懷抱謾回頭更堪歸路杳

又

繚牆深叢竹繞宴席臨清沼微呈織履故隱烘

簾自嬉笑粉香粧暈薄帶緊腰圍小看鴻驚鳳
蕭滿座歎輕妙 酒醒時會散了回首城南道
河陰高轉露脚斜飛夜將曉異鄉奄歲月醉眼
迷登眺路迢迢恨滿千里草

四園竹

浮雲護月未放滿朱扉鼠搖暗壁螢度破窗偷
入書幃秋意濃閒竚立庭柯影裏好風襟袖先
知 夜何其江南路繞重山心知漫與前期奈
向燈前墮淚腸斷蕭娘舊日書辭猶在紙雁信
絕清宵夢又稀

驀山溪

湖平春水藻荇繁船尾空翠撲衣襟拊輕棹遊
魚驚避晚來潮上迤邐沒沙痕山四倚雲漸起
鳥度屏風裏 周郎逸興黃帽侵雲水落日媚
滄洲泛一棹夷猶未已玉簫金管不共美人遊
因箇甚煙霧底偏愛蕙羹美

側犯

暮霞霽雨小蓮出水紅粧靚風定看步鞦江妃
照明鏡飛螢度暗草乘燭遊花徑人靜攜豔質
追涼就槐影 金環皓腕雪藕清泉瑩誰念省
滿身香猶是舊荀令見說胡姬酒爐寂靜煙鎖
漠漠藻池苔井 誰念省滿身香猶是舊荀令或
作舊時令非攷荀令年十五體
能生香幾因憐之選不欲連姻帝室遠避兵沙
故李端贈鄭駙馬詩云芙蓉荀令偏恰小。見
說胡姬酒爐寂靜或作文姬非攷辛延年詩云
晉有霍家奴姓馮名子都依倚將軍勢調笑酒
家胡胡姬年十五春日獨當壚長裾連理帶
廣袖合歡襦左傳注胡姬乃齊景公妾也

齊天樂

綠蕪彫盡臺城路殊鄉又逢秋晚暮雨生寒鳴
蛩勸織溪間時聞裁剪雲窗靜掩嘆重拂羅襦
頓疎花簾尚有練囊露螢清夜照書卷 荆江
畱滯最久故人相望處離思何限渭水西風長
安亂葉空憶詩情宛轉凭高眺遠正玉液新甞
蟹螯初薦醉倒山翁但愁斜照歛

荔枝香近

照水殘紅零亂風喚去盡日惻惻輕寒簾底吹
香霧黃昏客枕無慘細響當窗雨看兩兩相依

燕新乳樓下水漸淥遍行舟浦算往朝來心

逐片飄輕舉何日迎門小檻朱籠報鸚鵡如今

誰念淒楚清真集作共
剪西窗密炬

又

夜來寒侵酒席露微法烏履初會香澤方熏無

端暗雨催人但怪燈偏簾卷回顧始覺驚鴻去

遠大都世間最苦唯聚散到得春殘看卽是

開離宴細思別後柳眼花鬢更誰剪此懷何處

消遣

水龍吟梨
花

素肌應怯餘寒豔陽占立青蕪地樊川照日靈

闌遮路殘紅斂避傳火樓臺妬花風雨長門淡

閉亞簾櫳半溼一枝在手偏勾引黃昏淚別

有風前月底布繁陰滿園歌吹朱鈿退盡潘妃

却酒昭君乍起雪浪翻空粉裳縞夜不成春意

恨玉容不見瓊英謾好與何人比

六醜善微謝
後作

正單衣試酒恨客裏光陰虛擲願春斲畱春歸

如過翼一去無迹爲問花何在夜來風雨葬楚

宮傾國釵鈿墮處遺香澤亂點桃蹊輕翻柳陌

多情最誰追惜但蜂媒蝶使時叩窗隔東園岑

寂漸蒙籠暗碧靜邊珍叢底成歎息長條故

惹行客似牽衣待話別情無極殘英小強簪巾

憤終不似一朵釵頭顛裏向人歌側漂流處莫

趁潮汐恐斷鴻尚有相思字何由見得或于特
叩窗隔

分段字句稍異○恐斷鴻尚有相思字或作恐
斷紅上有相思字非詩云來春縱有相思字三
月天南
斷雁飛

塞垣春

塞垣春

算色分平野傍葦岸征帆卸煙深極浦樹藏孤

館秋景如畫漸別離氣味難禁也更物象供瀟
灑念多才渾衰減一懷幽恨難寫 追念綺窗
人天然自風韻開雅竟夕起相思謾嗟怨過夜
又還將兩袖珠淚沈吟向寂寥寒燈下玉骨為
多感瘦來無一把

掃花遊

清真集作
掃地花

晚陰翳日正霧靄煙橫遠迷平楚暗黃萬縷聽
鳴禽按曲小腰欲舞細遶回堤駐馬河橋避雨
信流去一葉怨題今到何處 春事能幾許任
占地持盃掃花尋路淚珠濺徂嘆將愁度日病
傷幽素恨入金徽見說文君更苦黯凝竚掩重
闌徧城鐘鼓

夜飛鵲

別

河橋送人處良夜何其斜月遠墮餘輝銅盤燭
淚已流盡霏霏涼露雪衣相將散離會探風前
津鼓樹杪參旗花驄會意縱揚鞭亦自行遲

迢遞路回清野人語漸無聞空帶愁歸何意重
經前地遺細不見斜暉都迷兔葵燕麥向殘陽
影與人齊但徘徊班草秋歔酒極望天西
燕麥或作莢麥非劉禹錫自遠州承召過玄都
觀後復主客郎中重遊玄都惟免燕麥搖動
春風耳。但徘徊班草或作青草非王介
甫詩云班草數行衣上淚與班荆同義

滿庭芳

夏日溧水
無想山作

風老鸞雛雨肥梅子午陰佳樹清圓地卑山近
衣潤費爐煙人靜鳥鶯自樂小橋外新綠濺濺
凭欄久黃蘆苦竹擬泛九江船 年年如社燕
飄流瀚海來寄脩椽且莫思身外長近罇前顛
頰江南倦客不堪聽急管繁絃歌筵畔先安簟
枕客我醉時眠

花犯

梅

粉牆低梅花照眼依然舊風味露痕輕綴疑淨
洗鉛華無限佳麗去年勝賞曾孤倚水盤同燕
喜更可憐雪中高樹香篝照素被 今年對花

最匆匆相逢似有恨依依愁願吟望久青苔上
旋看飛墜相將見脆圓薦酒人正在空江煙浪
裏但夢想一枝瀟灑黃昏斜照水

大酺 春雨

對宿煙收春禽靜飛雨時鳴高屋牆頭青玉旆

洗鉛霜都盡嫩梢相觸潤逼琴絲寒侵枕障虫

網吹粘簾竹郵亭無人處聽簷聲不斷困眠初

熟奈愁極頻驚夢輕難記自憐幽獨 行人婦

意速最先念流潦妨車轂怎奈向蘭成顛顛樂

廣清羸等閒時易傷心目未怪平陽客雙淚落

笛中哀曲況蕭索青蕪國紅糝鋪地門外荆桃

如救夜遊共誰秉燭 怎奈向蘭成顛顛樂成
庚信小字一作蘭臺非

霜葉飛

露迷衰草踈星掛涼蟾低下林表素娥青女鬪

嬋娟正倍添悽悄漸颯颯丹楓撼曉橫天雲浪

魚鱗小見皓月相看又透入清輝半餉特地畱

照 迢遞望極關山波穿千里度日如歲難到

鳳樓今夜聽秋風奈五更愁抱想玉匣哀絃閉

了無心重理相思調念故人牽離恨屏掩孤翠

淚流多少

法曲獻仙音

蟬咽涼柯燕飛塵幙漏閣簾聲時度倦脫綸巾

困便湘竹桐陰半侵庭戶向抱影凝情處時聞

打窗雨耿無語 歎文園近來多病情緒懶蟬

酒易成間阻縹緲玉京人想依然京兆眉顰翠

幙深中對微容空在執素待花前月下見了不

教婦去 或于時聞打窗雨下分段。屬關蠶聲
時度或作滿閣非離人掌綉漏傳簾于

殿中者令投簾于階上使婦然有聲漏聲乃筭
前也。對微容空在執素或作綠容非崔徽善

歌舞樂敬中
西其形容

渡江雲

晴嵐低楚甸暎迴雁翼陣勢起平沙驟驚春在

眼借問何時委曲到山家塗香暈色盛粉飾爭

作妍華千萬絲陌頭楊柳漸漸可藏鷗 堪嗟

清江東注画舸西流指長安日下愁宴關風翻

旗尾潮濺烏紗今宵正對初弦月傍水驛深艤

兼葭沉恨處但時時頻剔燈花

轉曉画眉而
頻剔燈花

或作銀花非吳
融剪刀賦鶯聲

應天長

寒食

條風布暝霏霧弄晴池臺偏滿春色正是夜坐

無月沉沉暗寒食梁間燕社前客似笑我閉門

愁寂亂花過隔院芸香滿地狼籍 長記那回

時邂逅相逢郊外駐油壁又見漢宮傳燭飛煙

五侯宅青青草迷路陌強載酒細尋前迹市橋

遠橋下人家猶自相識

坊刻或遺條風
至正是二十字

玉樓春

按譜木蘭花令實是一調又如滿
庭芳與鏤陽臺蘊幕遮與鬢雲鬆

今之類俱同調而異
名前後錯見始仍之

當時攜手城東道月墮簷牙人睡了酒邊誰使

客愁輕帳底不教春夢到 別來人事如秋草

應有吳霜侵翠葆夕陽深鏤綠楊門一任盧郎

愁裏老

盧郎一作庾郎非汝盧家郎年暮為投
書晚娶崔氏女崔有詞翰結縭之後微

有嫌色盧因請許為戲崔立成云不怨檀郎年
紀大不怨憶郎官職卑自恨妾身生較晚不見
盧郎年

少時
又 或另見別卷
或刻秦少游

玉琴虛下傷心淚只有文君知曲意簾烘樓迨

月宜人酒暝香融春有味 萋萋芳草迷千里

惆悵王孫行未已天涯回首一銷魂二十四橋

歌舞地

又

大堤花豔驚郎目秀色穠華看不足休將寶瑟

寫幽懷坐上有人能顧曲 平波落照涵頰玉

画舸亭亭浮淡淥臨分何以祝深情只有別愁

三萬斛

又

玉奩收起新粧了鬢畔斜枝紅裊裊淺頰輕笑

百般宜試著春衫應更好 裁金簇翠天機巧
不稱野人褌破帽滿頭聊作片時狂頓減十年
塵土貌

又

桃溪不作從容住秋藕絕來無續處當時相候
赤欄橋今日獨尋黃葉路 煙中列岫青無數
雁背夕陽紅欲算人如風後入江雲情似雨餘

黏地絮

當時相候赤欄橋絕妙詞
道作當時無奈鳥啼空

傷情怨

枝頭風信漸小看算鴉飛了又是黃昏閉門收
返照 江南人去路杳信未通愁已先到怕見
孤燈霜寒催睡早

品令

梅
花

夜闌人靜月痕寄梅梢疎影簾外曲角欄干近
舊攜手處花霧寒成陣 應是不禁愁與恨縱
相逢難問黛眉曾把春衫印後期無定腸斷香

銷盡 花霧寒成陣或刻花發毒寒成陣按譜第
五句宜五字且沈詩落花紛紛似霧增一發
少味

木蘭花令 草秋
饒別

郊原雨過金英秀風掃霜威寒入袖感君一曲
斷腸歌送我十分和淚酒 古道塵清榆柳瘦
繫馬郵亭人散後今宵燈盡酒醒時可惜朱顏
成皓首

秋蕊香

乳鴨池塘水暖風緊柳花迎面午粧粉指印窗
眼曲裏長眉翠淺 聞知社日停針線貪新燕
寶釵落枕夢魂遠簾影參差滿院

菩薩蠻

銀河宛轉三千曲浴兒飛鷺澄波淥何處望崦
舟夕陽江上樓 天憎梅浪發故下封枝雪深
院捲簾看應憐江上寒
玉團兒 潘真集
不載

鉛華淡矜新粧束好風韻天然異俗彼此知名
雖然初見情分先熟 爐煙淡淡雲屏曲睡半
醒生香透肉賴得相逢若還虛過生世不足

醜奴兒

梅詠

肌膏綽約真仙子來伴水霜洗盡鉛黃素面初
無一點粧 尋花不用持銀燭暗裏聞香零落
池塘分付餘妍與壽陽

又

下二闕清
真集不載

南枝度曉開全少疎影當軒一種宜寒自共清
蟾別有緣 江南風味依然在玉貌韶顏今夜

凭欄不似釵頭子細看

又

香梅開後風傳信繡戶先知霧濕羅衣冷豔須
攀最遠枝 高歌羌管吹透夜看即分披已恨
來遲不見娉婷帶雪時

感皇恩

露柳好風標嬌鶯能語獨占春光最多處淺翠
輕笑未肯等閒分付為誰心子裏長長苦 洞
房見說雲深無路憑仗青鸞道情素酒空歌斷
又被濤江催度怎向言不盡愁無數

又

清真集
不載

小閣倚晴空數聲鍾定斗柄垂寒暮天靜朝來
殘酒又被春風吹醒眼前猶認得當時景 往
事舊懽不堪重省自歎多愁更多病綺窗依舊

敲遍闌干誰磨斷腸明月下梅搖影

宴桃源

塵暗一杯文繡淚濕領巾紅皺初曉綺羅輕腰
勝武昌官柳長晝長晝開臥午窗中酒

塵暗一
軒文繡

清真集作塵
滿一軒文繡

又

門外迢迢行路誰送郎邊尺素巷陌雨餘風當
面濕花飛去無緒無緒閒處偷垂玉筍

月中行

蜀絲趁日染乾紅微暖口脂融博山細篆霽房
攏靜看打窗蟲 愁多膽怯疑虛幙聲不斷算

景疎鐘團團四壁小屏風淚盡夢啼中

團團四壁小屏

風一作團團一面小屏風非孫亮作團琉璃屏風多布螢其中月下清夜舒之常籠四壁皆此絕色使入四壁屏風內望之若無隔惟香氣不遍于外

漁家傲

灰暝香融銷永晝蒲萄上架春藤秀曲角欄干

羣雀鬪清明後風梳萬縷亭前柳 日照釵梁

光欲酒循堦竹粉霑衣袖拂拂面紅新着酒沉

吟久昨宵正是來時候

又

幾日輕陰寒惻惻東風急處花成積醉踏陽春

懷故國歸未得黃鸝久住如相識 賴有蛾眉

能喚客長歌屢勸金盃側歌罷月痕來照席貪

歡適簾前重露成涓滴

定風波

莫倚能歌歛黛眉此歌能有幾人知他日相逢
花月底重理好聲須記得來時 苦恨城頭傳

漏永口口無情豈解惜分飛休訴金樽推玉臂

從醉明朝有酒遣誰持

蝶戀花

詠柳

愛日輕明新雪後柳眼星星漸欲穿窗牖不待

長亭傾別酒一枝已入騷人手 淺淺柔黃輕

蠟透過盡水霜便與春爭秀強對青銅簪白首

老來風味難依舊

愛日輕明新雪後清集集作緩日輕明新霽後

又

桃萼新香梅落後葉暗藏鴟冉冉垂亭牖舞困

低迷如著酒亂絲偏近遊人手 雨過蒙隴斜

日透客舍青青特地添剛秀莫話揚鞭回別首

渭城荒遠無交舊

又

小閣陰陰人寂後翠幙寒風燭影搖疎牖夜半
霜寒初索酒金刀正在柔荑手 粉薄絲輕光
欲透小葉尖新未放雙眉秀記得長條垂鷓首
別離情味還依舊

又

蠶蠶黃金初脫後暝日飛綿取次黏窗牖不見
長條低拂酒贈行應已輸先手 鶯擲金梭飛
不透小榭危樓處處添奇秀何日隋堤紫馬首
路長人倦空思舊

又 早行 或作風樓 梧 另入別卷

月皎驚鳥栖不定更漏將闌輾轉牽金井喚起
兩眸青炯炯淚花落枕紅綿冷 執手霜風吹
鬢影去意徘徊別語愁難聽樓上闌干橫斗柄
露寒人遠鷄相應

又 下五闕 真集不載

魚尾霞生明遠樹翠壁黏天玉葉迎風舉一笑

相逢蓬海路人間風月如塵土 剪水雙眸雲
鬢吐醉倒天飄笑語生青霧此會未闌須記取
桃花幾度吹紅雨

又

美盼低迷情宛轉愛雨怜雲漸覺寬金釧桃李
香苞秋不展深心黯黯誰能見 宋玉牆高纔
一覘絮亂絲繁苦隔春風面歌板未終風色便
夢為蝴蝶畱芳甸

又

晚步芳塘新霽後春意潛來迤邐通窗牖午睡
漸多濃似酒韶華已入東君手 嫩綠輕黃成
染透燭下工夫洩漏章臺秀擬插芳條須滿首
管交風味還勝舊

又

葉底尋花春欲算折遍柔枝滿手真珠露不見
舊人空舊處對花惹起愁無數 却倚欄干吹

柳絮粉蝶多情飛上
釵頭住若遣郎身如蝶羽
芳時爭肯拋人去

又

酒熟微紅生眼尾
半額龍香冉冉飄
衣袂雲歷
寶釵撩不起黃金心字雙垂耳
愁入眉痕添
秀美無限柔情分付西流水
忽被驚風吹別淚
只應天也知人意

紅羅襖

画蜀尋權去
羸馬載愁歸
念取酒東壚
蟬鬢雖
近採花南圃
蜂蝶須知
自分袂天闊鴻稀空
懷牽夢約心期
楚客憶江蘿
算宋玉未必為秋

悲

少年遊

感香

并刀如水
吳鹽勝雪
纖指破新橙
錦幄初溫
獸
香不斷
相對坐吹笙
低聲問向誰
行宿城上
已三更
馬滑霜濃
不如休去
直是少人行
獸香不顯

一作手香不顯并長安巧正皆博山香爐為奇
禽怪獸從自口中出相對坐吹笙或用王瘦
宮詞江香火底坐吹笙句
清真集又作相對坐調筆

又

簷牙縹緲小倡樓
涼月掛銀鈎
聒席筵歌透
簾
燈火風景似揚州
當時面色欺春雪
曾伴美人遊
今日重來更無人問
獨自倚欄愁

又
荆州作

南都石黛掃晴山
衣薄奈朝寒
一夕東風海棠
花謝樓上捲簾看
而今翹日明如洗
南陌曠
雕鞍舊賞園林喜
無風雨春鳥報平安

又
雨後

朝雲漠漠散輕絲
樓閣澹春姿
柳泣花啼九街
泥重門外燕飛遲
而今麗日明金屋
春色在
桃枝不似當時小樓衝雨
幽恨兩人知

還京樂

禁煙近
觸處浮香秀色
相料理
正泥花時候
奈

何客裏光陰虛費望箭波無際迎風漾日黃雲
委任去遠中有萬點相思清淚 到長淮底過
當時樓下慙勤為說春來鬢旅況味堪嗟悞約
乖期向天涯自看桃李想如今應恨墨盈牋愁
粧照水怎得青鸞翼飛歸教見顛顛

解連環 請名王連環。怨別

怨懷無託嗟情人斷絕信音遼邈縱妙手能解
連環似風散雨收霧輕雲薄燕子樓空暗塵鏤

一牀絃索想移根換葉盡是舊時手種紅藥

汀洲漸生杜若料舟依岸曲人在天角記得當
日音書把閒語閒言待總燒却水驛春迴望寄

我江南梅萼拚今生對花對酒為伊淚落 清真集

今生為伊對花對酒淚落。縱妙手能解連環
一作信妙手能把連環非致素始皇遺齊君王
后玉連環曰齊國多智能解此環否以示羣臣
羣臣不知解君王后引權破之謝秦使曰謹以

矣解

綺寮怨

上馬人扶殘醉曉風吹未醒映水曲翠瓦朱簷
垂楊裏乍見津亭當時曾題敗壁蛛絲罩淡墨
苔暈青念去來歲月如流徘徊久嘆息愁思盈
去去倦尋路程江陵舊事何曾再問楊瓊舊
曲淒清欵愁黛與誰聽樽前故人如在想念我
最關情何須渭城歌聲未盡處先淚零 或于徘徊久嘆

玲瓏四犯

穠李夭桃是舊日潘郎親試春豔自別河陽長
負露房頰臉顛顛鬢點吳霜細念想夢魂飛亂
嘆西關玉砌都換纔始有緣重見 夜深偷展
香羅薦暗窗前醉眠蔥蒨浮花浪蕙都相識誰
更曾擡眼休問舊色舊香但認取芳心一點奈
又片時一陣風雨惡吹分散 細念想夢魂飛亂
按譜第七句六言

丹鳳吟

春恨

迤邐春光無賴翠藻翻池黃蜂遊閣朝來風暴
飛絮亂投簾幙生憎算景倚牆臨岬杏靨天斜
榆錢輕薄畫永惟思傍枕睡起無憀殘照猶在
庭角 况是別離氣味坐來但覺心緒惡痛飲
澆愁酒奈愁濃如酒無計銷鏢那堪昏暝藪藪
半簷花落弄粉調朱柔素手問何時重握此時
此意生怕人道著

憶舊遊

清真集
不載

記愁橫淺黛淚洗紅鉛門掩秋宵墜葉驚離思
聽寒蟬夜泣亂雨蕭蕭鳳釵半脫雲鬢窗影燭
花搖漸暗竹敲涼疎螢照曉兩地魂消 迢迢
問音信道徑底花陰特認鳴鑪也擬臨朱戶嘆
因郎顛顛羞見郎招舊巢更有新燕楊柳拂河
橋但滿眼京塵東風竟日吹露桃

拜星月慢

夜色催更清塵收露小曲幽坊月暗竹檻燈窗

識秋娘庭院笑相遇似覺瓊枝玉樹相倚暝日
明霞光爛水眇蘭情總平生稀見 画圖中舊
識春風面誰知道自到瑤臺畔眷戀雨濶雲溫
苦驚風吹散念荒寒寄宿無人館重門閉敗壁
秋蟲嘆怎奈向一縷相思隔溪山不斷水眇蘭
情或作
雁無消息水眇蘭情別日多

倒犯

詠月○清真
集作吉了犯

霽景對霜蟾乍昇素煙如埽千林夜縞徘徊處
漸移深窈何人正弄孤影踟躕西窗悄冒露冷
貂裘玉笋邀雲表芙蓉寒光飲清醪 淮左舊遊
記送行人歸來山路寫駐馬望素魄印透碧金
樞小愛秀色初娟好念漂浮絲絲思遠道料異
日宵征必定還相照奈何人自老芙蓉寒光飲清
醪或作清醪

減字木蘭花

清真集
不載

風鬟霧鬢便覺蓬萊三島近水秀山明縹緲仙

姿画不成 廣寒丹桂豈是天桃塵俗世只恐
藥風飛上瓊樓玉宇中

木蘭花令

詞集不載 原本一首殘缺
卷一薄杜風雨是六一詞刪去

歌時宛轉饒風措鶯語清圓啼玉樹斷腸歸去
月三夏薄酒醒來愁萬緒 孤燈翳翳昏如霧
枕上依稀開笑語惡嫌春夢不分明忘了與伊
相見處

暮山溪

此二詞高
真集不載

樓前疎柳柳外無窮路翠色四天垂數峰青高
城闌處江湖病眼偏向此山明愁無語空凝眸
雨雨昏鴉去 平康巷陌往事如花雨十載却
歸來倦追尋酒旗戲鼓今宵幸有人似月嬋娟
霞袖舉盃深注一曲黃金縷

又

江天雪意夜色寒成陣翠袖捧金蕉酒紅潮香
凝沁粉簾波不動新月淡籠明香破豆燭頻花

滅宇歌聲穩 恨眉羞歛往事休重問人去小
庭空有梅梢一枝春信檀心未展誰為探芳
清瘦盡洗粧勻應更添風韻

青玉案

清真集
不載

良夜燈光簇如豆占好事今宵有酒罷歌闌人
散後琵琶輕放語聲低顛滅燭來相就 玉體
假人情何厚輕憎輕伶轉啣溜雨散雲收眉兒
皺只愁彰露那人知後把我來侷愁

一剪梅

清真集
不載

一剪梅花萬樣嬌斜插疎枝略點眉梢輕盈微
笑舞低回何事樽前拍手誤招 夜漸寒深酒
漸消袖裏時聞玉釧輕敲城頭誰恁促殘更銀
漏何如且慢明朝

水調歌頭

中秋寄李伯紀大觀
文口清真集不載

今夕月華滿銀漢瀉秋寒風纏霧捲宛轉天陞
玉樓寬應是金華仙子又喜今年藥就收拾山

河影都向鏡中蟠□□□□ 橫霜竹吹明
月到中天要令四海遙望千古此輪安何處今
年無月唯有謫仙著語高絕莫能攀我故喚公
起雲海路漫漫

南柯子

清真集
俱不載

寶合分時菓金盤弄賜水曉來暗下按新聲恰
有一方明月可中庭 露下天如水風來夜氣
清嬌羞不肯傷人行颺下扇兒拍手引流螢

又

膩頸凝酥白輕衫淡粉紅碧油涼氣透簾櫳指
點庭花低映雲母屏風 恨逐瑤琴寫書勞玉
指封等閒贏得瘦儀容何事不教雲雨略下巫
峰

又 詠梳

記

桂魄分餘暈檀槽破紫心曉粧初試鬢雲侵每
被蘭膏香染色深沈 指印纔纒粉釵橫隱隱

金有時雲雨鳳幃深長是枕前不見殢人尋

關河令

清真集不載
時刻清商怨

秋陰時晴漸向暝變一庭淒冷佇聽寒聲雲深
無雁影 更深人去寂靜但照壁孤燈相映酒
已都醒如何消夜永

鵲橋仙令

清真集
不載

浮花浪盡人間無數開遍朱朱白白瑤池一朵
玉芙蓉秋露洗丹砂真色 晚涼拜月六銖衣
動應被姮娥認得翩然欲上廣寒宮橫玉度一
聲天碧

花心動

清真集
不載

簾捲青樓東風滿楊花亂飄晴畫蘭袂褪香羅
帳褰紅繡枕旋移相就海棠花謝春融暝恨人
恁嬌波頻溜象床穩鴛衾謾展浪翻紅綉 一
夜情濃似酒香汗漬鮫綃幾番微透鸞困鳳慵
凝眸雙眼画也画應難就問伊可煞於人厚梅

夢露臙脂檀口從此後纖腰爲郎管瘦

雙頭蓮

清真集
不載

一抹殘霞幾行新雁天染斷紅雲迷陣影隱約
望中點破晚空澄碧助秋色門掩西風橋橫斜
照青翼未來濃塵自起咫尺鳳幃合有人相識
歎乖隔知甚時恣與同攜權適度曲傳觴竝
鶯飛響綺陌画堂連夕樓頭千里帳底三更盡
堪淚滴怎生向總無聊但只聽消息

長相思

魏行○清真
集俱不載

舉離觴掩洞房箭水泠泠刻漏長愁中看曉光
整羅裳脂粉香見埽門前車上霜相持泣路
傍

又

閨怨

馬如飛歸未歸誰在河橋見別離修楊委地垂
掩面啼人怎知桃李成陰鸞唳兒關行春盡

時

又

舟中作

好風浮晚雨收林葉陰陰映鷓鴣角斜陽明倚樓
黯凝眸憶舊遊艇子扁舟來莫愁石城風浪
秋

又

沙棠肉小棹遊池水澄澄人影浮錦鱗遲上釣
煙雲愁簫鼓休再得來時已變秋欲歸須少
留

大有

清真集
不載

仙骨清羸沈腰顛顛見傷人驚怪消瘦柳無言
雙眉盡日齊鬪都緣薄倖賦情淺許多時不成
權偶幸自也總由他何須負這心口令人恨
行坐呪斷了夏思盟沒心永守前日相逢又早
見伊仍舊却更被溫存後都忘了當時儂慙便
撈撮九百身心依前待有

萬里春

清真集
不載

千紅萬翠簇定清明天氣爲憐他種種清香好
難爲不醉 我愛深如你我心在個人心裏便
相看老却春風莫無些歡意

鶴冲天

深水長壽鄉作
清真集俱不載

梅雨霽暑風和高柳亂蟬多小園臺榭遠池波
魚戲動新荷 薄紗厨輕羽扇枕冷簟涼深院
此時情緒此時天無事小神仙

又

白角簾碧紗厨梅雨乍晴初謝家池畔正清虛
香散嫩芙蓉 日流金風解愠一弄素琴歌舞
慢搖紈扇訴花牋吟待晚涼天

片玉詞卷上

終

片玉詞卷下

解語花

元上

風銷絳蠟露浥紅蓮燈市光相射桂華流瓦纖
雲散耿耿素娥欲下衣裳淡雅看楚女纖腰一
把簫鼓喧人影參差滿路飄香麝因念都城
放夜望千門如畫嬉笑游冶鈿車羅帕相逢處
自有暗塵隨馬年光是也唯只見舊情衰謝清
漏移飛蓋歸來從舞休歌罷

鏤陽臺

懷錢塘。清真集俱不載。即滿庭芳。

山崦籠春江城吹雨暮天煙淡雲昏酒旗漁市
冷落杏花村蘇小當年秀骨繁蔓草空想羅裙
潮聲起高樓噴笛五兩了無聞淒涼懷故國
朝鐘算鼓十載紅塵但夢魂迢遞長到吳門聞
道花開陌上歌舊曲愁殺王孫何時見名娃喚
酒同倒甕頭春

又

花撲鞭鞘風吹衫袖馬蹄初趁輕裝都城漸遠
芳樹隱斜陽未慣羈遊况味征鞍上滿目淒涼
今宵裏三更皓月愁斷九迴腸佳人何處去
別時無計同引離觴但唯有相思兩處難忘去
卽十分去也如何向千種思量凝眸處黃昏画
角天遠路岐長

又

白玉樓高廣寒宮闕暮雲如幃塞開銀河一泓
流出碧天來無數星躔玉李水輪動光滿樓臺
登臨處全勝瀛海弱水浸蓬萊雲鬟香霧濕
月娥韻壓雲凍江梅况食花飲露莫惜徘徊坐
看人間如掌山河影倒入瓊盃歸來晚笛聲吹
徹九萬里塵埃

過秦樓

清真集作選官子或作惜餘春慢

水浴清蟾葉喧涼吹巷陌馬聲初斷閒依露井
笑撲流螢惹破画羅輕扇人靜夜久凭闌愁不

婦眠立殘夏箭嘆年華一瞬人今千里夢沉書
遠空見說鬢怯瓊梳容銷金鏡漸懶趁時勻

染梅風地溼紅雨苔滋一架舞紅都變誰信無

聊為伊才減江淹情傷荀倩但明河影下還看

稀星數點水浴清蟾俗本作京洛誤情傷荀倩一作荀令非荀奉倩妻曹氏有體

色嘗病倩以冷身慰之後卒倩嘆曰佳人難再得人吊之不哭而傷神未幾倩亦卒

解蹀躞秋思

候館丹楓吹盡面旋隨風舞夜寒霜月飛來伴

孤旅還是獨擁秋衾夢餘酒困都醒滿懷離苦

甚情緒深念凌波微步幽房暗相遇淚珠都

作秋宵枕前雨此恨音驛難通待憑征雁歸時

帶將愁去

蕙蘭芳引秋懷

寒瑩晚空點青鏡斷霞孤鶩對客館深扇霜草

未衰夏綠倦遊厭旅但夢遠阿嬌金屋想故人

別後盡日空疑風竹塞北艷鏡江南圖障是

處溫燠夏花管雲牋猶寫寄情舊曲音塵迢遞
但勞遠目今夜長爭奈枕單人獨

六么令重陽

快風收雨亭館清殘燠池光靜橫秋影呀柳知

新沐聞道宜城酒美昨日新醅熟輕鑣相逐衝

泥策馬來折東籬半開菊華堂花艷對列一

一驚郎目歌韻巧芙蓉聲間雜琮琤玉惆悵周

郎已老莫唱當時曲幽歡難卜明年誰健更把

茱萸再三嚼閩講珠珥玉清真集作間雜涼哀玉

紅林擒近秋雪

高柳春纔軟凍梅寒更香鼻雪助清峭玉塵散

林塘那堪飄風遞冷故遣度幙穿窗似欲料理

新粧呵手弄絲簧冷落詞賦客蕭索水雲鄉

援毫授簡風流猶憶東梁望虛簷徐轉迴廊未

掃夜長莫惜空酒觴

又晴

風雪驚初霽水鄉增暮寒樹杪墮毛羽簷牙挂
琅玕才喜門堆巷積可憐迤邐銷殘漸看低竹
翩翩清池漲微瀾 步履晴正好宴席晚方歡
梅花耐冷亭亭來入水盤對前山橫素愁雲變
色放盃同覓高處看

滿路花

詠空

金花落燼燈銀礫鳴窗雪庭深微漏斷行人絕
風扉不定竹圍琅玕折玉人新間闌著這情懷
更當恁地時節 無言欹枕帳底流清血愁如
春後絮來相接知他那裏爭信人心切除莫天
公說不成也還似伊無箇分別

又冬景

簾烘淚雨乾酒壓愁城破水壺防飲渴培殘火
朱消粉褪絕勝新梳鬢不是寒宵短日上三竿
帶人猶要同臥 如今多病寂寞章臺左黃昏
風弄雪門深鎖蘭房密愛萬種思量過也須知

有我著甚情懷但你忘了人呵

氏州第一

清真集作熙州
摘每字句稍異

波落寒汀村渡向晚遙看數點帆小亂葉飄鴉
驚風破雁天角孤雲縹緲宮柳蕭疎甚尚挂微
微殘照景物關情川途換目頓來催老 漸解
狂朋歡意少奈猶被息牽情繞座上琴心機中
錦字覺最縈懷抱也知人懸望久蓋祿謝歸來
一笑欲夢高唐未成眠霜空已曉

尉遲盃

別

隋堤路漸日晚密靄生深對陰陰淡月籠沙還
宿河橋深處無情画舸都不管煙波隔前浦等
行人醉擁重衾載將離恨歸去 因思舊客京
華長俱傍疎林小檻歡聚冶葉倡條俱相識仍
慣見珠歌翠舞如今向漁村水驛夜如歲熱香
獨自語有何人念我無聊夢魂凝想鴛侶

塞翁吟

夏景

晴葉啼風雨窗外曉色隴聰散水齋小池東亂
一岍芙蓉斬州簾展霞紋浪輕帳翠縷如空夢
遠別淚痕重淡鉛臉斜紅 冲冲嗟顛顛新寬
帶結羞豔冶都銷鏡中有蜀紙堪憑寄恨等今

夜灑血書詞剪燭親封萬蒲漸老早晚成花教

見薰風

等今夜灑血書詞或作薰風書詞非
韓愈云剝肝以為紙灑血以書詞

遠佛閣

注

暗塵四歛樓觀迥出高映孤館清漏將短厭聞

夜久籤聲動書慢桂華又滿閒步露草偏愛幽

遠花氣清婉望中迤邐城陰度河岍 倦客最

蕭索醉倚斜橋穿柳線還似汴堤虹梁橫水面

看浪颭春燈舟下如箭此行重見嘆故友難逢

羈息空亂兩眉愁向誰行展

慶春宮

悲秋。或刻柳耆卿。或
偏憐。鴉鵲作唯他絕藝。

雲接平崗山圍寒野路回漸轉孤城衰柳啼鴉

驚風驅雁動人一片秋聲倦途休駕澹煙裏微

芒見星塵埃顛顛生怕黃昏離思牽縈 華堂
舊日逢迎花艷參差香霧飄零絃管當頭偏憐
嬌鳳夜深篋暎笙清眼波傳意恨密約匆匆未
成許多煩惱只為當時一餉留情

滿江紅

春

晝日移陰攬衣起春帷睡足臨寶鑑綠雲撩亂

未催裝束蝶粉蜂黃都褪了枕痕一線紅生玉

背画欄脉脉儘無言葦碣 重會面猶未卜

無限事縈心曲想秦箏依舊尚鳴金屋芳草連

天迷遠望寶香薰被成孤宿最苦是蝴蝶滿園

飛無心撲

丁香結

蒼蘚浴階冷螢粘屋庭樹望秋先隕漸雨淒風

迅澹暮色倍覺園林清潤漢姬純扇狂重吟玩

棄擲未忍登山臨水此恨自古銷磨不盡 牽

引記醉酒婦時對月同看雁陣寶幄香纓熏爐

象尺夜寒燈暈誰念留滯故國舊事勞方寸唯
丹青相伴那更塵昏蠹損

三部樂

浮玉飛瓊向邃館靜軒倍增清絕夜窗垂練何
用交光明月間道宮闈多梅赴暗香未遠凍蕊
初發倩誰折取持贈情人桃葉 回紋近傳錦
字道爲君瘦損是人都說祇知染紅著手膠梳
黏髮轉思蠻鎮長墮睫都只爲情深意切欲報
信息無一句堪喻愁結

西河

佳麗地南朝盛事誰記山圍故國遠清江髻髮
對起怒濤寂寞打孤城風檣遙度天際斷唯樹
猶倒倚莫愁艇子曾繫空餘舊迹鬱蒼蒼霧沉
半壘夜深月過女牆來賞心東望淮水 酒旗
戲鼓甚處是想依稀王謝鄰里燕子不知何世
向尋常巷陌人家相對如說興亡斜陽裏

花卷
詞選

作三疊風檣遠望天際竹一截首心東望淮
水又作一截○清真集在空餘舊迹分段

又 清真集
不載

長安道瀟灑西風時起塵埃車馬晚游行霸陵
煙水亂鴉棲鳥夕陽中參差霜樹相倚到此際
愁如葦冷落關河千里追思唐漢管繁華斷碑
殘記未央宮闕已成灰終南依舊濃翠 對此
景無限愁思遠天涯秋蟾如水轉使客情如醉
想當時萬古雄名盡作往來人淒涼事

一寸金

州夾蒼啞下枕江山是城郭望海霞接日紅翻
水面晴風吹草青搖山脚波暖鳧鷖作沙痕退
夜潮正落疎林外一點炊煙渡口參差正寥廓
自歎勞生經年何事京華信漂泊念清蒲汀
柳空歸閉夢風輪雨俄終辜前約情景牽心眼
流連處利名易薄迴頭謝治葉偈條便入漁釣
樂

瑞鶴仙

悄郊原帶郭行路永客去車塵漠漠斜陽映山
落飲餘紅猶戀孤城欄角凌波步弱過短亭何
用素約有流鶯勸我重解繡鞍緩引春酌 不
記歸時早算上馬誰扶醒眠未闌驚颺動幙扶
殘醉遠紅藥嘆西園已是花深無地東風何事
又惡任流光過却猶喜洞天自樂

又 清真集
不載

暝煙籠細柳弄萬縷千絲年年春色晴風蕩無
際濃於酒偏醉情人調客闌干倚處度花香微
散酒力對重門半掩黃昏淡月院宇深寂 愁
極因思前事洞房佳宴正值寒食尋芳遍賞金
谷里銅甌陌到而今魚雁沉沉無信息天涯常
是淚滴早歸來雲館深處那人正憶

浪淘沙慢

別

曉陰重霜凋岼草霧隱城堞南陌脂車待發東

門帳飲乍闌正拂面垂楊堪攬結掩紅淚玉手
親折念漢浦離鴻去何許經時信音絕 情切
望中地遠天闊向露冷風清無人處耿耿寒漏
咽嗟萬事難忘唯是輕別翠罇未竭憑斷雲雷
取西樓殘月羅帶光銷紋衾疊連環解舊香頓
歇怨歌永瓊壺敲盡缺恨春去不與人期弄夜
色空餘滿地梨花雪

野到在情
切分段

又 清真集
不載

萬葉戰秋聲露結雁度砂磧細草和煙尚綠遙
山向晚更碧見隱隱雲邊新月白映落照簾幕
千家聽數聲何處倚樓笛裝點盡秋色 脉脉
旅情暗自消釋念珠玉臨水猶悲感何況天涯
客憶少年歌酒當時蹤跡歲華易老衣帶寬懷
惱心腸終窄飛散後風流人阻藍橋約恨恨路
隔馬蹄過猶嘶舊巷陌歎往事一一堪傷曠望
極凝思又把闌干拍

西平樂

元豐初年四月辛酉至西上遊天去道中後四十餘年辛丑正月二十六

日避賊復遊故地感歎歲月偶成此詞

釋柳蘇晴故溪渴雨川迥未覺春賒駝褐寒侵
正憐初日輕陰抵魂須遮歎事逐孤鴻去盡身
與塘蒲共晚爭知向此征途區區竚立塵沙追
念朱顏翠髮曾到處故地使人嗟 道連三楚
天低四野喬木依前臨路欹斜重慕想東陵晦
迹彭澤歸來左右琴書自樂松菊相依何況風
流鬢未華多謝故人親馳鄭驛時倒融尊勸此
淹留笑過芳時翻令倦客思家

玉燭新

早

溪源新蠟後見數朶江梅剪裁初就暈酥砌玉
芳英嫩故把春心輕漏前村昨夜想弄月黃昏
時候孤岍峭疎影橫斜濃香暗沾襟袖 樽前
賦與多才問嶺外風光故人知否壽陽謾闌終
不似照水一枝清瘦風嬌雨秀好亂插繁華盈

首須信道卷卷無情看看又奏

南鄉子

晨色動粧樓短燭熒熒悄未收自枉開簾風不
定颺颺池面水漸起水流 早起怯梳頭欲縮
雲鬟又却休不會沈吟思底事凝眸兩點春山
滿鏡愁

又

下四闋皆真集不載

秋氣遠城闌草角寒鴉未掩門記得佳人衝雨
別吟分別緒多於雨後雲 小棹碧溪津恰似
江南第一春應是採蓮閒伴侶相尋收取蓮心
與舊人

又

寒夜夢初醒行盡江南萬里程早是愁來無會
處時聽敗葉相傳細雨聲 書信也無憑萬事
由他別後情誰信歸來須及早長亭短帽輕衫
走馬迎

又 語快

戶外井桐飄淡月疎星
芙蓉寂寞恐怕霜寒初索
被中宵已覺秋聲引雁高
羅帶束纖腰自剪
燈花試彩毫收起一封江北信
明朝為問江頭

早晚潮

又 秀雅

輕軟舞時腰初學吹笙苦未調
誰遣有情知事
早相撩暗舉羅巾遠見招
癡駭一團嬌自折
長條撥燕巢不道有人潛看著
從教掉下髮心

與鳳翹

望江南

歌席上無賴是橫波寶髻玲瓏
飲玉燕繡巾柔
膩掩香羅人好自宜多
無箇事因甚欲雙蛾
淺淡梳粧疑見畫
惺鬆言語勝聞歌
何況會婆

姿

又 春遊

遊妓散獨自遠回堤
芳草懷煙迷水曲
密雲街
雨暗城西九陌未霑泥
桃李下春晚自成蹊
牆外見花尋路轉
柳陰行馬過
鸞啼無處不悽悽

浣溪沙

不為蕭娘舊約寒
何因容易別長安
預愁衣上粉痕乾
幽閣深沉燈焰喜
小爐隣近酒盃寬
為君門外脫歸鞍

又

翠葆參差竹徑成新
荷跳雨碎珠傾
曲欄斜轉小池亭
風約簾衣歸燕急
水搖扇影戲魚驚
柳梢殘日弄微晴

又

寶扇輕圓淺畫
繪象床平穩
細穿膝
飛蠅不到避壺冰
翠枕面涼偏益睡
玉簫手汗錯成聲
日長無力要人凭

又

薄薄紗幮望似空
簾紋如水浸美容
起來嬌服未惺惚
強整羅衣擡皓腕
夏將紈扇掩酥胸
羞郎何事面微紅

又

爭挽桐花兩鬢垂
小粧弄影照清池
珠簾踏襪趁蜂兒
跳脫添金雙腕重
琵琶破撥四絃悲
夜寒誰肯剪春衣

又

或刻歐陽永叔

雨過殘紅溼未飛
疎籬一帶透斜暉
遊蜂釀蜜竊香歸
金屋無人風竹亂
夜篝盡日水沉微
一春須有憶人時

又

日薄塵飛官路平
眼明喜見汴河傾
地遙人倦莫兼程
下馬先尋題壁字
出門閒記榜村名
早收燈火夢傾城

又

貪向津亭擁去車
不辭泥雨濺羅襦
淚多脂粉了無餘
酒釀未須令客醉
路長終是少人扶
早教幽夢到翠胥

又

或刻李易安

樓上晴天碧四垂
樓前芳草接天涯
勸君莫上最高梯
新筍看成堂下竹
落花都上燕巢泥
忍聽林表杜鵑啼

又

日射欹紅鴈蒂香
風乾微汗粉襟涼
碧綃對捲簾紋光
自剪柳枝明画閣
戲拋蓮葯種橫塘
長亭無事好思量

浣溪沙慢

清真集不載

水竹舊院落櫻筍
新蔬果嫩英翠幄
紅杏交檣火心事
暗卜葉底尋雙朶
深夜啼青鎖燈盡酒醒時
曉窗明釵橫鬢髻
怎生那被問阻時多

奈愁腸數疊幽恨萬端好夢還驚破可怪近來
傳語也無個莫是嗔人呵真個若嗔人却因何
逢人問我

點絳脣

孤館迢迢算天草露霑衣潤夜來秋近月暈通
風信 今日源頭黃葉飛成陣知人問故來相
趁笑結臨歧恨

又

遼鷓歸來故鄉多少傷心地寸書不寄魚浪空
千里 憑仗桃根說與相思意愁無際舊時衣
袂猶有東風淚

又

征騎初停酒行莫放離歌舉柳汀蓮浦看盡江
南路 苦恨斜陽冉冉催人去空回顧淡煙橫

素不見揚鞭處

酒行莫放離歌舉清眞
集作画道欲散離歌舉

又

臺上披襟快風一瞬收殘雨柳絲輕舉蛛網粘
飛絮 極目平蕪應是春歸處愁凝佇楚歌聲
苦村落黃昏鼓

夜遊宮

客去車塵未斂古簾暗雨苔千點月皎風清在
處見奈今宵照初絃吹一箭 池曲河聲轉念
歸計眼迷魂亂明日前村更荒遠且開罇任紅
鱗生酒面

又秋暮

晚景

葉下斜陽照水捲輕浪沉沉千里橋上酸風射
眸子立多時看黃昏燈火市 古屋寒窗底聽
幾片井桐飛墜不戀單衾再三起有誰知為蕭
娘書一紙

又清風集

不賦

一陣斜風橫雨薄衣潤新添金縷不謝鉛華夏
清素倚筠窗弄么絃嬌欲語 小閣橫香霧正

年少小娥愁緒莫是栽花被花妬甚春來病懨懨無會處

訴衷情 交杏

出林杏子落金盤齒軟怕嘗酸可借半殘青子猶印小唇丹 南陌上落花開雨斑斑不言不語一段傷春都在眉間

又

堤前亭午未融霜風緊雁無行重尋舊日岐路茸帽北遊裝 期信杳別離長遠情傷風翻酒慢寒疑茶煙又是何鄉

又 清真集不載

當時選舞萬人長玉帶小排方喧傳京國聲價年少最無量 花開迥酒筵香想難忘而今何事伴向人前不認周郎 喧傳京國聲價時刻誤與都城聲價

一落索 清真集作洛陽春

眉共春山爭秀可憐長皺莫將清淚濕花枝恐

花也如人瘦 清潤玉簫閒久知音稀有欲知日曰倚欄愁但問取亭前柳

又

杜宇催歸聲苦和春歸去倚闌一霎酒旗風任撲面桃花雨 目斷隴雲江樹難逢尺素落霞隱隱日平西料想是分攜處

迎春樂

清池小圃開雲屋結春伴往來熟憶年時縱酒五行速看月上歸禽宿 牆裏修篁森似束記名字曾刊新綠見說別來長冷翠蘚封寒玉

又

桃溪柳曲閒蹤跡俱曾是大堤客解春衣貫酒城南陌頰醉臥胡姬側 鬢點吳霜嗟早白更誰念玉溪消息他日水雲身相望處無南北

又 攷

人人豔色明春柳憶筵上偷攜手趁歌停舞歇

來相就醒醒箇無些酒 比目香囊新刺繡連

隔座一時薰透為甚月中歸長是他隨車後

虞美人

燈前欲去仍留戀腸斷朱扉遠不須紅雨洗香
腮待得薔薇花謝便歸來 舞腰歌板閑時按
一任傍人看金爐應見舊殘煤莫遣恩情容易
似寒灰

又

廉纖小雨池塘遍細點破萍面一雙燕子守朱
門此似尋常時候易黃昏 宜城酒泛浮春絮
細作更闌語相看羈思亂如雲又是一窗燈影
兩愁人

又

疎籬曲徑田家小雲樹開秋曉天寒山色有無
中野外一聲鐘起送孤蓬 添衣策馬尋亭堠
愁抱惟宜酒菰蒲睡鴨占陂塘縱被行人驚散

又成雙

又一本無
此首

淡雲籠月松溪路長記分攜處夢魂連夜遶松
溪此夜相逢恰似夢中時 海山陡覺風光好
莫惜金罇倒柳花吹雪燕飛忙生怕扁舟歸去
斷人腸

又

玉觴纔掩朱絃悄彈指壺天曉回頭猶認倚牆
花只向小橋南畔便天涯 銀蟾依舊當窗滿
顛影魂先斷淒風休颭半殘燈擬倩今宵歸夢
到雲屏

又

金閨平帖春雲暝晝漏花前短玉顏酒解豔紅
消一向捧心啼困不成嬌 別來新翠迷行徑
窗鏤玲瓏影研綾小字夜來封斜倚曲闌凝睇
數歸鴻

研綾小字夜來封一作研綾非
此首

醉桃源

清溪春作
阮郎歸

冬衣初染遠山青
雙絲雲雁綾
夜寒袖溼欲成冰
水都綠
珠淚零
情黯黯
悶騰騰
身如秋後蠅
若教隨馬逐郎行
不辭多少程

又

菖蒲葉老水平沙
臨流蘇小家
西園曲徑宛秋蛇
金英垂露華
燒密炬
引蓮娃
酒香醺臉霞
再來重約日西斜
倚門聽暮鴉

鳳來朝

佳人佳

逗曉看嬌面
小窗深弄明
未辨愛殘粧
宿粉雲鬢亂
最好是
帳中見
說夢雙蛾微
欲錦衾溫
獸香未斷
待起難捨
拚任日
笑西樓
暝待起難捨
拾涕清

垂絲釣

縷金翠羽
粧成纔見
眉嫵倦
倚玉簷
看舞風絮
愁幾許
寄鳳絲
雁柱春將暮
向層城
宛路鈿車

如水 時時花徑相遇
舊遊伴侶
還到曾來處
門掩風和雨
梁燕語問郎人
在否

粉蝶兒慢

宿霧藏春
餘寒帶雨
占得羣芳
開晚豔
初弄秀
倚東風
嬌懶隔葉黃鸝
傳好音
喚入深篔簹
中探
數枝新
比昨朝
又早紅稀香淺
春戀重
來倚檻
當韶華
未可輕辜
愛眼賞心
隨分樂
有清樽
檀板
每歲嬉遊
能幾日
莫使一聲歌
欠忍因循
片花飛
又成春減

紅窗迥

幾日來
真個醉
不知道
窗外亂紅
已深半
指花影
被風搖碎
擁春醒
乍起
有個人
人生得
濟楚
來向耳畔
問道
今朝醒
未情性
兒慢騰騰
地惱
得人
又醉

念奴嬌

清血集
下載

醉魂乍醒
聽一聲啼鳥
幽谷岑寂
淡日朦朧
初

破曉滿眼嬌情天色最憎香梅凌寒偷綻漏泄
春消息池塘芳草又還淑景催逼 因念舊日
芳菲桃花永巷恰似初相識荏苒時光因價却
覓雨尋雲蹤跡奈有離拆瑤臺月下回首頻思
憶重愁疊恨萬般都枉胸臆

黃鸝遠碧樹

雙闕籠佳氣寒威日晚歲華將暮小院閉庭對
寒梅照雪淡煙凝素忍當迅景動無限傷春情
緒猶賴是上苑風光漸好芳容將照 草萸蘭

芽漸吐且尋芳更休思慮這浮世甚驅馳利祿

奔競塵土縱有魏珠照棄未買得流年住爭如

剗引榴花醉假瓊樹

爭如剗引榴花醉假瓊樹
清興集作爭如應飲涼露

詞震
環樹

鬢雲鬆令

送傅國華奉使三韓
清真集不載即蘇幕遮

鬢雲鬆眉葉聚一闌離歌不為行人駐檀板停

時君看取數尺鮫綃半是梨花雨 鶯飛遙天

尺五鳳閣鸞坡看即飛騰去今夜長亭臨別處
斷梗飛雲盡是傷情緒

芳草渡

昨夜裏又再宿桃源醉邀仙侶聽碧窗風快疎
簾半卷愁雨多少離恨苦方留連啼訴鳳悵曉

又是囟囟獨自歸去 愁顛滿懷淚粉瘦馬衝

泥尋去路謾回首煙迷望眼依稀見朱戶似癡

似醉暗惱損凭闌情緒澹暮色看盡栖鴉亂舞

歸去難

期約

佳約人未知背地伊先變惡會稱停事看深淺

如今信我委的論長遠好彩無可怨自合教伊

推些事後分散 密意都休待說先腸斷此恨

除非是天相念堅心更守未死終須見多少開

磨難到得其時知他做甚頭眼

燕歸梁

詠曉
真集不載

簾底新霜一夜濃短燭散飛蟲曾經洛浦見鶯

鴻關山隔夢魂通 明星晃晃津回路轉榆影
步花驄欲攀雲駕倩西風吹清血寄玲瓏

南浦 清真集
不載

淺帶一帆風向晚來扁舟穩下南浦迢遞阻瀟

湘衡臯迥斜熾蕙蘭汀渚危檣影裏斷雲點點

遙天算菡萏裏風偷送清香時時微度 吾家

舊有簪纓甚頓作天涯經歲羈旅羗管怎知情

煙波上黃昏萬斛愁緒無言對月皓彩千里人

何處恨無鳳翼身只待而今飛將歸去

醉落魄 清真集
不載

茸金細弱秋風嫩桂花初著葢珠宮裏人難學

花染嬌羞羞映翠雲幄 清香不與蘭蓀約一

枝雲鬢巧梳掠夜涼輕撼薔薇萼香滿衣襟月

在鳳皇閣

留客住 清真集
不載

嗟鳥兔正茫茫相催無定只恁東生西沒半均

寒暑昨見花紅柳綠處處林茂又觀霜前籬畔
菊散餘香看看又還秋算 忍思慮念古往賢
愚終歸何處爭似高堂日夜笙歌齊舉選甚連
宵徹畫再三畱住待擬沉醉扶上馬怎生向主
人未肯交去

長相思慢 清真集
不載

夜色澄明天街如水風力微冷簾旌幽期再偶

坐久相看纔喜欲歡還驚醉眼重醒映雕欄脩

竹共數流螢細語輕輕儘銀臺挂蠟潛聽 自

初識伊來便憺妖嬈豔質美眇柔情桃溪換世

鸞取凌空有顚酒成遊絲蕩絮任輕任相逐牽

縈但連環不解難負深盟 時刻但連環不解下
有流水共東四字誤

看花廻 詠
眼

秀色芳容明眸就中奇絕細看艷波欲溜最可

憺微重紅銷輕帖勻朱傅粉幾為嚴粧時浣曉

因個甚底死嗔人半餉斜眄費貼燮 斗帳裏

濃醴意愜帶困時似開微合會倚高樓望遠自
笑指頻矚知他誰說那日分飛淚雨縱橫光映
頰溫香羅恐揉損與他衫袖裏

又

蕙風初散輕暝霽景澄潔秀葢乍開乍欹帶雨
態煙痕春息紆結危絃弄響來去驚人鬢語滑
無賴處麗日樓臺亂絲岐路總奇絕 何計解
黏花繫月歎冷落頓辜佳節猶有當時氣味挂
一縷相思不斷如髮雲飛帝國人在雲邊心暗
折語東風笑流轉謾作囟囟別 或在梨花繁
月下分段非

月下笛 清真集
不載

小雨收塵涼蟾瑩徹水光浮璧誰知怨抑靜倚
官橋吹笛映宮牆風葉亂飛品高調側人未識
想開元舊譜柯亭遺韻盡傳胸臆 闌干四遠
聽折柳徘徊數聲終拍寒燈陋館最感平陽孤
客夜沉沉雁啼正哀片雲盡卷清漏滴黯凝魂

但覺龍吟萬竅天籟息

片玉詞卷下 終

片玉詞補遺

十六字令

咏月。見天機餘錦

明月影穿窗白玉錢無人弄移過枕函邊

浣溪沙

春景。見草堂詩餘

水漲魚天拍柳橋雲鳩拖雨過江臯一番春信入東郊
閒碾鳳團消短夢靜看燕子壘新巢
又移日影上花梢

又

春景。或刻歐陽永叔

小院閒窗春色深重簾未捲影沉沉倚樓無語理瑤琴
遠岫出雲催薄暮細風吹雨弄輕陰
梨花欲謝恐難禁

憶秦娥

佳人。或刻蘇子瞻

香醜復尊前有箇人如玉人如玉翠翹金鳳內
家粧束嬌羞愛把眉兒蹙逢人只唱相思曲
相思曲一聲聲是怨紅愁綠

柳梢青

佳人。見草堂詩餘

有箇人人海棠標的飛燕輕盈酒量潮紅羞蛾
凝綠一笑生春為伊無限傷心更說甚巫山
楚雲斗帳香消紗窗月冷著意溫存
南鄉子 秋懷。見詩林萬選
夜闌夢難收宋玉多情我結儔千點漏聲萬點
淚悠悠霜月雞聲幾段愁難展皺眉頭怨句
哀吟送客秋蟋蟀床頭謫夜曲啾啾又聽驚人
雁過樓
蘇懷遮 風情。見草堂詩餘
隴雲沉新月小楊柳梢頭能有春多少試著羅
裳寒尚峭簾捲青樓占得東風早翠屏深香
篆裊流水落花不管劉郎到三疊陽關聲漸杳
斷雨殘雲只怕巫山曉
畫錦堂 愛情。見草堂詩餘
雨洗桃花風飄柳絮日日飛滿雕簷懊惱一春
幽恨盡屬眉尖愁聞雙飛新燕語更堪孤枕宿

醒歡雲鬟亂獨步西堂輕風暗觸珠簾 多歡
晴晝永環戶悄香銷金獸慵添自與蕭郎別後
事事俱嫌短歌新曲無心理鳳簫龍管不曾拈
空惆悵常是每年三月病酒慳慳

齊天樂

端午。或
刻無名氏

疎疎幾點黃梅雨佳時又逢重午角黍包金香
蒲泛玉風物依然荆楚形裁艾虎更釵髮朱符
臂纏紅縷撲粉香綿喚風綾扇小窗午 沉湘
人去已遠勸君休對景感時懷古慢嚀鶯喉輕
敲象板勝讀離騷章句荷香暗度漸引入醺陶
醉鄉深處臥聽江頭画船喧韻鼓

女冠子

雪景。或
刻柳耆卿

同雲密布撒梨花柳絮飛舞樓臺悄似玉向紅
爐煖閣院宇深沉廣祥筵會聽笙歌猶未徹漸
覺輕寒透簾穿戶亂飄僧舍密灑歌樓酒帘如
故 想樵人山徑迷蹤路料漁父收綸罷釣歸

南浦路無伴侶見孤村寂莫招颺酒旗斜處南
軒孤雁過啞啞聲聲又無書度見臘梅枝上嫩
葢兩兩三三微吐

吳成于徽宗時提舉大晟樂府故其詞或傳

于世余家藏凡三卷一名清真集一名吳成其短

句皆不滿百闕最後得宗刻片玉集二卷計詞

百十有奇晉陽強煥為敘金見評注龍牒一

則去聲其說謬問有茲集不載錯見清真諸

本者附補遺一卷吳成庶無遺憾云若乃諸名

家之甲乙久著人間豈待予備述也湖南毛晉徵

片玉詞補遺

題梅溪詞

關雎而下三百篇當時之謠詞也聖師刪以為經後世播詩章於樂府被之金石管絃屈宋班馬絲是乎出而自變體以來司花傍輦之嘲沈香亭北之詠至舟人主相友善則世之文人亦士遊戲筆墨于長短句間有能

瓌竒警邁清新閒婉不流於詭

蕩汙淫者未易以小伎言也余

埽軌林扃草長門逵一日聞剌

啄聲園丁持謁入視之汴人史

生邦卿也迎坐竹陰下郁然而

秀整俄起謂余曰某自冠時聞

約空之號今亦既有年矣君身

益湮晦達以是來見無他求袖

出詞一編余驚笑而不荅生云
始取讀之大凡如行帝苑仙瀛
輝華絢麗欣眄駭接因掩卷而
嘆曰有是哉能事之無遺恨也
蓋生之作辭情俱到纖綃泉扃
去塵眼中妥帖輕圓特其餘事
至於奪茗艷于春景起悲音於
商素有瓌竒警邁清新閒婉之

長而無詭蕩汗淫之失端可以
今鑣清真平睨方回而紛三
變行葦幾不足比數山谷以行
誼文章宗匠一代至序小晏詞
激昂婉轉以伸吐其懷抱而楊
花謝橋之句伊川猶稱可之生
滿襟風月鸞陰鳳獻鱗洋乎口
吻之際者皆自漱滌書傳中來

况欲大肆其力於五七言廻鞭
温韋之塗掉鞅李杜之域躋攀
風雅一歸于正不於是而止雖
然余方以耽泥聲律而顛踣擯
棄今又區々以勉生非惑耶若
覽斯集者不楛于玄黃牝牡哀
沈而悼未遇寔繫時之所尚余
老矣生鬚髮未白數路得人恐

不特尋美于漢生姑待之生名
達祖邦卿其字云嘉泰歲辛酉
五月八日張鑑功甫序

梅溪詞

目錄

綺羅香

一詞

雙雙燕

一詞

陽春曲

一詞

海棠春令

一詞

夜行船

一詞

東風第一枝

三詞

玉樓春

二詞

喜遷鶯

一詞

萬年歡

一詞

阮郎歸

二詞

眼兒媚

二詞

憶瑤姬

一詞

南歌子

一詞

風流子

二詞

金盞子

一詞

杏花天

四詞

三姝媚

一詞

壽樓春

一詞

于飛樂

一詞

南浦

一詞

採芳信

一詞

祝英臺近

三詞

釵頭鳳

一詞

西江月

四詞

慶清朝

一詞

桃源憶故人

二詞

花心動

一詞

解佩令

一詞

菩薩蠻

三詞

賀新郎

五詞

夜合花

二詞

畱春令

二詞

瑞鶴仙

二詞

點絳脣

二詞

青玉案

一詞

浣溪沙

一詞

蝶戀花

一詞

臨江仙

三詞

漢宮春

一詞

蘭陵王

一詞

風入松

一詞

隔浦蓮

二詞

鳳來朝

一詞

玉簫涼

一詞

鵲橋仙

一詞

湘江靜

一詞

玲瓏四犯

二詞

八歸

一詞

過龍門

二詞

玉蝴蝶

一詞

齊天樂

五詞

燕歸梁

二詞

月當廳

一詞

秋霽

一詞

滿江紅

二詞

戀繡衾

三詞

換巢鸞鳳

一詞

惜奴嬌

一詞

龍吟曲

三詞

鷓鴣天

四詞

惜黃花 一詞

玉燭新 一詞

一剪梅 二詞

醉落魄 二詞

醉公子 一詞

步月 一詞

梅溪詞

宋 史達祖

綺羅香

詠春雨。或作沁園春非。

做冷欺花將煙困柳千里偷催春算盡日冥迷
愁裏欲飛還住驚粉重蝶宿西園喜泥潤燕歸
南浦最妨它佳約風流鈿車不到杜陵路 沉
沉江上望極還被春潮急難尋官渡隱約遙峰
和淚謝娘眉嫵臨斷岸新綠生時是落紅帶愁
流處記當日門掩梨花剪燈深夜語

雙雙燕

詠燕

過春社了度簾幙中間去年塵冷差池欲住試
入舊巢相竝還相離梁藻井又軟語商量不定
飄然快拂花梢翠尾分開紅影 芳徑芹泥雨
潤愛貼地爭飛競誇輕俊紅樓婦晚看足柳昏
花暝應自棲香正穩便忘了天涯芳信愁損翠
黛雙蛾日日画欄獨凭

陽春曲

杏花煙梨花月誰與暈開春色坊巷曉情惜東
風斷舊火銷處近寒食少年蹤迹愁暗隔水南
山北還是寶絡雕鞍被鬢聲喚來香陌 記飛
蓋西園寒猶凝結驚醉耳誰家夜笛燈前重簾
不挂殢華裾粉淚曾拭如今故里信息賴海燕
年時相識奈芳草正鎖江南夢春衫怨碧

海棠春令

似紅如白含芳意錦宮外煙輕雨細燕子不知
愁驚墮黃昏淚 燭花偏在紅簾底想人怕春
寒正睡夢著玉環嬌又被東風醉

夜行船

正月十八日聞賣杏花有感

不剪春衫愁意態過收燈有些寒在小雨空簾
無人深巷已早杏花先賣 白髮潘郎寬沈帶
怕看山憶它眉黛草色拖裙煙光惹鬢常記故
園桃菜

東風第一枝 咏春

巧沁蘭心偷黏草甲東風欲障新暎漫疑碧瓦
難留信知算寒輕淺行天人鏡做弄出輕鬆纖
軟料故園不捲重簾候了乍來雙燕青未了
柳回白眼紅欲斷杏開素面舊遊憶著山陰厚
盟遂妨上苑寒爐重暎便放慢春衫針線恐鳳
靴挑菜婦來萬一灞橋相見

又 壬戌開鵬望雨中立矣
安春與高賓王各賦

草脚愁蘇花心夢醒香拂散牛土舊歌空憶
珠簾綵筆倦題繡戶黏雞貼燕想立斷東風來
處暗惹起一掬相思亂若翠盤紅縷今夜覓
夢池秀句明日動探花芳緒寄聲沽酒人家預
約俊遊伴侶憐它梅柳乍忍俊天街酥雨待過
了一月燈期日日醉扶歸去

又 燈夕清坐
或作元夕

酒館歌雲燈街舞繡笑聲喧似簫鼓太平京國

多歡大酺綺羅幾處東風不動照花影一天春
聚耀翠光金縷相交冉冉細吹香霧羞醉玉
少年丰度懷豔雪舊家伴侶閉門明月關心倚
窗小梅索句吟情欲斷念嬌俊知人無據想袖
寒珠絡藏香夜久帶愁歸去

玉樓春 社前一日

游人等得春晴也處處旗亭堪繫馬雨前櫻杏
尚娉婷風後殘梅無顧藉 忌拈針線還逢社
鬪草贏多裙欲卸明朝雙燕定歸來叮囑重簾
休放下

又 賦梨花

玉容寂寞誰為主寒食心情愁幾許前身清淡
似梅粧遙夜依微留月住 香迷蝴蝶飛時路
雪在秋千來往處黃昏著了素衣裳深閉重門
聽夜雨

喜遷鶯

月波疑滴望玉壺天近了無塵隔翠眼圈花水
絲織練黃道寶光相直自怜詩酒瘦難應接許
多春色最無賴是隨香赴燭會伴狂客 蹤跡
謾記憶老了杜郎忍聽東風笛柳院燈疎梅廳
雪在誰與細傾春碧舊情拘未定猶自學當年
游歷怕萬一悞玉人夜寒簾隙

萬年歡

春思

兩袖梅風謝橋邊嘶痕猶帶陰雪過了昏昏燈
市草根青發燕子春愁未醒候幾處芳音遶絕
煙路采綠人歸定應愁沁花骨 非干厚情
易歇奈燕臺句老難道離別小徑吹衣曾記故
里風物多少驚心舊事第一是侵墻羅襪如今
但柳髮勝春夜來和露梳月

阮郎歸

龍香吹袖白藤鞭帽簷衝柳煙一春幾度画橋
邊東風聽筦絃 花活計酒因緣從人嘲少年

真須吟就綠楊篇灣頭寄小憐

又

月下感事

舊時明月舊時身舊時梅萼新舊時月底似梅
人梅春人不春 香入夢粉成塵情多多斷魂
芙蓉孔雀夜溫溫愁痕卽淚痕

眼兒嬌

寄贈

潘郎心老不成春風味隔花塵簾波浸筭窗紗
分柳還過天津 近時無覓湘雲處不記是行
人樓高望遠應將秦鏡多照施顰

又

代答

兒家七十二鸞鴛珠珮鎖瑤箱期花等月秦臺
吹玉買袖傳香 十年白玉堂前見直是剪柔
腸將愁去也不成今世終誤王昌

憶瑤姬

騎首之悼也

嬌月籠煙下楚領香分兩朶湘雲花房漸密時
弄杏牋初會歌裏慙勤沉沉夜久西窗屢隔蘭

燈幔影昏自綵鸞飛入芳巢繡屏羅薦粉光新

待還伊

十年未始輕分念此飛花可憐柔脆銷春空

又

餘雙淚眼到舊家時郎謾染愁巾袖止說道凌

飛瓊神仙客因游戲誤落古桃源藉吟牋賦筆

虛一夜相思玉樣人但起來梅發窗前啞咽疑

試融春恨舞裙歌扇聊應塵綠遣人怨亂雲天

是君

一角弱水路三千還因秀句意流江外便隨輕

南歌子

夢身墮愁邊 風流休相悞尋芳縱來晚尚有

采綠隨雙槳看山藉一筇關南桃樹幾番紅昨

它年只為賦情不淺彈淚風前想霧帳吹香獨

夜詩情頻在雨聲中 花遲無雲隔苔垣只夢

憐奇俊露盃分酒誰伴嬋娟好在夜軒涼月空

通舊歡一餉可過從試覓鴛鴦新杏簡春風

自團圓 月軒其說也

風流子

金盞子

紅樓橫落日蕭郎去幾度碧雲飛記窗眼通香

槳綠催紅仰一番膏雨始張春色未踏画橋煙

玉臺妝罷馬蹄敲日沙路人歸如今但一鷺通

江南岬應是草穠花密尚憶濺裙蘋溪覺詩愁

信息雙燕說相思入耳舊歌怕聽琴縷斷腸新

相覓光風外除是倩鸞煩燕譟通消息 梨花

句羞染烏絲 相逢南溪上桃花嫩嬌樣淺澹

夜來白相思夢空關一林月深深柳枝巷陌難

羅衣恰是怨深腮赤愁重聲遲悵東風巷陌草

重遇弓彎兩袖雲碧見說倦理秦箏怯春蔥無

迷春恨軟塵庭戶花悞幽期多少寄來芳字都

力空遺恨當時畱秀句蒼苔盡聲

杏花天

軟波拖碧蒲牙短画橋外花晴柳暝今年自是
清明晚便覺芳情較懶 春衫瘦東風剪剪過
花塢香吹醉面歸來立馬斜陽畔隔畔歌聲一

片

又

古城官道花如霞便恰限花間再見雙眉最現
愁深淺隔雨春山兩點 回頭但垂楊帶苑想
今夜銅馳夢遠行人去了鶯聲怨此度關心未
免

又

細風微月垂楊院記年少春愁一點悽鬱未覺
花梢灑踏損殘紅幾片 長安某日邊近遠况
老去芳情漸減屏山幾夜春寒恁却將因而夢
見

又

扇香曾靠腮邊粉舊塵埋月輪有暈南風未似
愁來近前事臨窗隱隱 涼花畔雲歌露飲夢
斷了終難再問鴛鴦帶上三生恨將淚揩磨不
盡

三姝媚

煙光搖縹瓦望晴簷多風柳花如灑錦瑟橫床
想淚痕塵影鳳絃常下倦出犀帷類夢見王孫
騎馬諱道相思偷理綃裙自驚腰衩 惆悵南
樓遙夜記翠箔張燈枕肩歌罷又入銅馳遍舊
家門巷首詢聲價可惜東風將恨與閒花俱謝
記取崔徽模樣歸來暗寫

壽樓春

春春服
送念

裁春衫尋芳記金刀素手同在晴窗幾度因風
殘絮照花斜陽誰念我今無腸自少年消磨疎
狂但聽雨挑燈歌床病酒多夢睡時粧 飛花
去良宵長有絲欄舊曲金譜新腔最恨湘雲人

散楚蘭魂傷身是客愁為鄉算玉簫猶逢韋郎
近寒食人家相思未忘蘋藻香

于飛樂

驚竹怨曲

綺翼翩翩問誰常借春陂生愁近渚風微紫山
深金殿暝日暮同歸白頭相守情雖定事却難
期 帶恨飛來煙埋秦草年年枉夢紅衣舊沙
間香頸冷合是單栖將終怨魂何年化連理芳
枝

南浦

玉樹曉飛香待倩它和愁點破妝鏡輕嫩一天
春平白地都護雨昏煙暝幽花露溼定應獨把
闌干凭誰履未蠟安排共文鴛重遊芳徑 年
來夢裏揚州怕事隨歌殘情趁雲冷嬌盼隔東
風無人會鬢燕暗中心性深盟縱約盡同晴雨
全無定海棠夢在相思過西園秋千紅影

探芳信

謝池曉被酒滯春眠詩繁芳草正一堦梅粉都
未有人掃細禽啼處東風軟嫩約關心早未燒
燈怕有殘寒故園稀到 說道試教了也為我
相思占它懷抱靜數窗櫺最懽聽鶯聲好半年
白玉臺邊話屢見鈎小指芳期夜月花陰夢老
祝英臺近 或作第九句與幽會
下分段下二闕彼此
柳枝愁桃葉恨前事怕重記紅藥開時新夢又
溱洧此情老去須休春風多事便老去越難回
避 阻幽會應念偷剪餘醺柔條暗紫繁節物
移人春草更顯預可堪竹院題詩蘚堦聽雨寸
心外安愁無地

又

善微

箱流蘇垂錦綬煙外紅塵逗莫倚菱櫺花氣醞
如酒便愁醺醉青虬蜿蜒無力戲穿碎一屏新
綉 謾懷舊如今姚魏俱無風標較消瘦露點
搖香前度剪花手見郎和笑掩裙囟欲去驚

忽地畧畧芳袖

又

落花深芳草暗春到斷腸處金勒驕風欲過大堤去翠樓萬領西邊恰如曾約画關映一枝瓊樹正凝佇芳意欺月矜春渾欲便偷許多少鶯聲不敢寄愁與謝郎日日西湖如今歸後幾時見倚簾吹絮

釵頭鳳

何刻清商怨誤
寒食飲絲亭

春愁遠春夢亂鳳釵一股輕塵滿江煙白江波碧柳戶清明燕簾寒食憶憶憶鶯聲曉簫聲短落花不許春拘管新相識休相失翠陌吹衣画樓橫笛得得得

西江月

團
息

西月澹窺樓角東風暗落簷牙一燈初見影窗紗又是重簾不下幽思屢隨芳草閒愁多似楊花楊花芳草遍天涯綉被春寒夜夜

又賦木犀
香數珠

三十六宮月冷百單八顆香懸只宜結贈散花天金粟分身顯現指嫩香隨甲影頭寒秋入雲邊未忘靈鷲舊因緣贏得今生圓轉

又

一片秋香世界幾層涼雨闌干青天不惜爛銀盤借與先生為勸酒喚詩來酒外人言身在人間如何得似碧雲閒且笑嫦娥相伴

又舟中趙子楚有詞

見滿御意和之

裙摺綠羅芳草冠梁白玉芙蓉次公筵上見山公紅綬欲啣雙鳳已向水奩約月更來玉界藥風凌波襪冷一尊同莫負彩舟涼夢

慶清朝

墜絮擎萍狂鞭孕竹偷移紅紫池亭餘花未落似供殘蝶經營賦得送春詩了夏惟攢斷綠陰成桑麻外乳鳩穉燕別樣芳情荀令舊香易

冷歎俊遊疎懶枉自銷凝塵侵謝屐幽徑班駘
苔生便覺寸心尚老故人前度謾丁寧空相悞
被蘭曲水桃茶東城

桃源憶故人

或詞或
美人影

雙鸞感月天津近歸後嫩情常剝燈市一年愁
疑心共梅花冷 網塵洞戶春沉靜衰盡冶遊
情性羞見素娥嬌影明似愁鸞鏡

又 賦桃
花

明霞煖透春機杼春在明霞多處我是有詩漁
父一夢秦天古 柳枝巷陌深朱戶牆外風流
一樹十五年來疑佇彈盡胭脂雨

花心動

風約簾波錦機寒難遮海棠煙雨夜酒未蘇春
枕猶歌曾是悞成歌舞半褰薇帳雲頭散奈愁
味不隨香去儘沈靜文園更渴有人知否 嬌
記溫柔舊處偏只怕臨風見他桃樹繡戶鎖塵

錦瑟空絃無復画眉心緒待拈銀管書春恨被
雙燕替人言語意不盡垂楊幾千萬里

解佩令

人行花塢衣沾香露有新詞逢春分付屢欲傳
情奈燕子不會飛去倚珠簾詠郎秀句 相思
一度穠愁一度最難忘遮燈私語澹月梨花借
夢來花邊廊廡指春衫淚會殘處

菩薩蠻

夜
景

梨花不礙東城月月明照見空欄雪雪底夜香
微寒簾拜月婦 錦衾幽夢短明日南堂宴宴
罷小樓臺春風來不來

又 賦玉
蕊花

唐昌觀裏東風軟齊王宮外芳名遠桂子典刑
邊梅花伯仲間 籠茸鍤暝雪瑣細雕晴月誰
駕七香車綠雲飛玉沙

又 賦秋
香

廣寒夜搗玄霜細玉龍睡重凝涎墜鬪合一團
嬌假人暝欲消 心情雖軟弱也要人搏擲寶
扇莫驚秋班姬應更愁

賀新郎

花落臺池靜自春衫閒來老了舊香荀令酒旣
相違詩亦可此外雲沉夢冷又催喚官河蘭艇
輒呼煙霏吹不斷望樓陰欲帶朱橋影和草色
入輕眠 裙邊竹葉多應賸怪南溪見後無箇
再來芳信蝴蝶一生花裏活難制竊香心性便
有段新愁隨定落日年年宮樹綠墮新聲玉笛
西風勁誰伴我月中聽

又

綠障南城樹有高樓街城樓下芰荷無數客自
倚闌魚亦避恐是持竿伴侶對別浦扁舟客與
楊柳影間風不到倩詩情飛過鴛鴦浦人正在
斷腸處 兩山帶著冥冥雨想低簾短額誰見

恨時眉嫵別爲清尊眠錦瑟怕被歌留愁住便
欲赴採蓮歸去前度劉郎雖老矣奈年來猶道
多情句應笑殺舊鷗鷺

又

鵲翅西風淺乍疎雲垂幔近月銀鈞將捲天上
應閒支機石前度芳盟誰踐便好緝回文錦獻
乞得穠歡今夜裏算盈盈一水會何遠寧不會
暗相見 綵樓吹斷開針線想幽情嫩約別有
辭庭花院青鳥沉沉音塵絕煙鎖蓬萊宮殿漸
木杪參旗西轉不怕天孫成間阻怕人間薄倖
心腸變又學得易分散

又 六月十五日
夜西窗月下

同住西山下是天地中間愛酒能詩之社船向
少陵佳處放塵世必無知者暑不到雲宮風拊
楚竹忽然呼月上被東西幾葉雲縈惹雲散去
笑聲罷 清尊莫爲嬋娟瀉瀉爲狂吟醉舞毋失

晉人風雅踏碎橋邊楊柳影不聽漁樵閒話夏
欲舉空盃相謝北斗以南如此幾想吾曹便是
神仙也問今夜是何夜

又

帶酒重聽纖手靜七星明有新聲應更魂驚夢
回人世寥寥夜月空照天津

又湖上高賓王
趙子雲詞賦

西子相思切委蕭蕭風裳水佩照人清越山染
蛾眉波粲聊可與之娛悅便莫賦湘妃羅襪
怕見綠荷相倚恨恨白鷗占了涼波濶揀涼處
放船歌 道人不是塵埃物縱狂吟魂魄吹亂
一巾涼髮不覺引盃澆肺渴正要清歌駭發夏
坐上其人水雪截取斷虹堪作釣待玉盞今夜
來時節也勝釣石城月

夜合花 賦

冷截龍腰偷拏鸞爪楚山長鎖秋雲梅華未落
年年怨入江城千嶂碧一聲清杜人聞兒女簫
笙莫淒涼處琵琶溢浦長嘯蘇門 當時低度
西鄰天澹闌干欲算會賦高情子期老矣不堪

柳鎖鶯魂花翻蝶夢自知愁染潘郎輕衫未攬
猶將淚點偷藏念前事怯流光早去春窺酥雨
池塘向銷凝裏梅開半面情滿徐妝 風絲一
寸柔腸曾在歌邊惹恨燭底縈香芳機瑞錦如
何未織鴛鴦醉扶人月依牆是當初誰敢疎狂
把閒言語花房夜久各自思量

留春令 金林
續深

秀肌豐鬢韵多香足綠勻紅注剪取東風入金
盤斷不買臨叩賦 宮錦機中春富裕勸玉環
休妬等得明朝酒消時是閒澹雍容處

又 評梅
花

故人溪上挂愁無奈煙稍月樹一涓春水點黃
昏便沒頓相思處 曾把芳心深相許故夢勞

詩苦聞說東風亦多情被竹外香留住

瑞鶴仙

杏煙嬌溼鬢過柱若汀洲楚衣香潤回頭翠樓
近指鴛鴦沙上暗藏春恨歸顰隱隱便不念芳
盟未穩自簫聲吹落雲東再數故園花信誰
問聽訝窗罅倚月鈞欄舊家輕俊芳心一寸相
思後總灰盡奈春風多事吹花搖柳也把幽情
喚醒對南溪桃萼翻紅又成瘦損

又賦紅梅

館娃春睡起為發教酒煖臉霞輕膩米霜一生
裏厭從來冷澹粉腮重洗胭脂暗試便無限芳
穠氣味向黃昏竹外寒深醉裏為誰偷倚嬌
媚春風模樣霜月心腸瘦來肌體孤香細細吹
夢到杏花底被高樓橫篴一聲驚斷却對南枝
灑淚謾相思桃葉桃根舊家姊妹

點絳脣

花落苔香斷無人肯行鷓鴣晚風翻繡吹醒東
窗酒獨臥甌餽明月知人瘦香消後亂愁依
舊開□胡酥手

又六月十四夜與社友泛湖過西陵橋巳子夜矣

山月隨人翠蘋分破秋山影約船歸盡橋外詩
心迥多少荷花不蓋鴛鴦冷西風定可憐潘
鬢偏浸秦臺鏡

青玉案

蔥花老盡離騷句綠染遍江頭樹日午酒消聽
驟雨青榆錢小碧苔錢古難買東君住官河
不礙遺鞭路被芳草將愁去多定紅樓簾影暮
蘭燈初上夜香初炷猶自聽鸚鵡

浣溪沙

不見東山月露香姚家借得小芬芳亂鷺隨赴
過宮牆香珀碾花嬌有意綠茸綉葉澀無光
御封春酒幾時嘗

蝶戀花

二月東風吹客袂蘇小門前楊柳如腰細胡蝶
識人遊冶地舊曾來處花開未 幾夜湖山生
夢寐評泊尋芳只怕春寒裏令歲清剛逢上巳
相思先到濺裙水

臨江仙

草脚青回細膩柳梢綠轉條苗舊遊重到合魂
銷棹橫春水渡人凭赤闌橋 歸夢有時曾見
新愁未肯相饒酒香紅被夜迢迢莫交無用月
來照可憐宵

又

倦客如今老矣舊時不奈春何幾曾湖上不經
過看花南陌醉駐馬翠樓詞 遠眼愁隨芳草
相裙憶著春羅枉教裝得舊時多向來蕭鼓地
猶見柳婆娑

又聞

愁與西風應有約年年同赴清秋舊遊簾幙記
揚州一燈人著夢雙雁月當樓 羅帶鴛鴦塵
暗澹更須整頓風流天涯萬一見溫柔瘦應因
此瘦羞亦為郎羞

漢宮春

友人與星娘雅有舊分別
去則黃冠矣托子寄情

花隔東垣詠燕臺秀句結帶謀歡函舊盟有
限飛夢重關南塘夜月照湘琴別鶴孤鸞天便
遣清愁易長春衣常恁香寒 唐昌故宮何許
頓剪霞裁霧擺落塵緣一聲步虛婉婉雲駐天
壇淒涼故里想香車不到人間羞再見東陽帶
眼教人依舊思凡

蘭陵王

南湖同碧蓮見
寄走筆次韻

漢江側月弄仙人珮色含情久搖曳楚衣天水
空濛染嬌碧文漪蕈影纖涼骨時將粉飾誰曾
見羅襪去時點點波間冷雲積 想思舊飛鷺
謾想像風裳追恨瑤席涉江幾度和愁摘記雪

映雙腕刺繁絲縷分開綠蓋素袂溼放新句吹
入寂寂意猶昔念淨社因緣天許相覓飄蕭
羽扇搖團白屢側臥尋夢倚欄無力風標公子
欲下處似認得

風入松

茉莉花

素馨耐暑太寒生多剪春水夜深綠霧侵涼月
照晶晶花葉分明人臥碧紗幮淨香吹雪練衣
輕頻伽嘶得墮南薰不受纖塵若隨荔子華
清去定空埋身外芳名借重玉爐沉炷起子石
鼎湯聲

隔浦蓮

紅塵飛不到處此地知無暑亂竹分幽徑虛堂
中自回互陰經生暗霧飛泉注氣入關尊粗快
風度齊宮楚榭如今空鎖煙樹何人伴我夢
賦雪車水柱惟有蟬聲助冷語驚窸飛雲來獻
涼雨

又荷

洛神一醉未醒俯鑑窺紅影萬綠森相衛西風
靜不放冷侵曉鷗夢穩非塵境棹月香千頃錦
機靚亭亭不語多應喚賦玉井西湖遊子慣
識雨愁煙恨只恐吳娃暗折贈耿耿柔絲容易
縈損

鳳來朝

五日感事

暈粉就妝鏡掩金圍絲絲未整趁無人學指鴛
鴦頸恨誰踏鮮花遲一夢蒲香葵冷墮銀瓶
脆繩挂井扇底并團圓影只此是沈郎病

玉簫涼

秋是愁鄉自錦瑟斷絃有淚如江平生花裏活
奈舊夢難忘藍橋雲樹正綠料抱月幾夜眠香
河漢阻但鳳音傳恨欄影敲涼新妝蓮嬌試
曉梅瘦破春因甚却扇臨窗紅巾銜翠翼早弱
水茫茫柔指各自未剪問此去莫負王昌芳信

準更敢尋紅杏西廂

鵲橋仙 七夕舟中

河深鵲冷雲高鸞遠水珮風裳縹緲却推離恨
下人間第一個黃昏過了 舟行有限愁來無
限去去長安漸杳應將巧息入相思覺淚比銀

灣較少

湘江靜

算草堆青雲漫浦記箇箇倦篙曾駐漁榔四起
沙鷗未落怕愁沾詩句碧袖一聲譟石城怨西
風隨去滄波蕩晚菰蒲弄秋還重到斷魂處
酒易醒思正苦想空山桂香懸樹三年夢冷孤
吟意短屢煙鍾津鼓履齒厭登臨移橙後幾番
涼雨潘郎漸老風流頓減闌居未賦

玲瓏四犯

雨入愁邊翠樹晚無人風葉如剪竹尾通涼却
怕小簾低捲孤坐便怯詩慳念後賞舊曾題遍

更暗塵偷鎖鸞影心事屢羞團扇 賣花門館
生秋草悵弓彎幾時重見前歡盡屬風流夢天
共朱樓遠聞道秀骨病多難自任從來恩怨料
也和前度金籠鸚鵡說人情淺

又 京口寄所思

潤甚吳天頓放得江南離緒多少一雨為秋涼
氣小窗先到輕夢聽徹風蒲又散入楚空清曉
問世間愁在何處不離澹煙衰草 簾紋獨漫
芙蓉影想淒淒欠郎假抱即今臥得雲衣冷山
月仍相照方悔翠袖易分難聚有玉香花笑待
雁來先寄新詞歸去且教知道

八婦

秋江帶雨寒沙紫水人瞰画閣愁獨煙叢散響
驚詩思還被亂鷗飛去秀句難續冷眼盡歸圖
画上認隔岬微茫雲屋想半屬漁市樵村欲算
競燃竹 須信風流未老憑持酒慰此淒涼心

目一鞭南陌幾篙官渡賴有歌眉舒綠只囟囟
眺遠早覺開愁挂喬木應難奈故人天際望徹
淮山相思無雁足

過龍門

一帶古苔牆多聽寒蟬篔簹中針線早銷香燕尾
寶刀窗下夢誰剪秋裳 宮漏莫添長空費思
量鴛鴦難得再成雙昨夜楚山花簾裏波影先
涼

又春愁

醉月小紅樓錦瑟筵篔簹夜來風雨曉來收幾點
落花饒柳絮同為春愁 寄信問晴鷗誰在芳
洲綠波寧處有蘭舟獨對舊時攜手地情思悠
悠

玉蝴蝶

晚雨未摧宮樹可憐閒葉猶抱涼蟬短景歸秋
吟思又接愁邊漏初長夢魂難禁人漸老風月

俱寒想幽歡二花庭甃蟲網闌干 無端啼蛄
攪夜恨隨團扇苦近秋蓮一笛當樓謝娘懸淚
立風前故園晚強留詩酒新雁遠不致寒暄隔
蒼煙楚香羅袖誰伴嬾娟

齊天樂白髮

秋風早入潘郎鬢斑斑遽驚如許暎雪侵梳晴
絲拂領栽滿愁城深處瑤簪謾妬優羞插宮花
自憐衰暮尚想春情舊吟淒斷茂陵女 人間
公道惟此歎朱顏也恁容易墮去涅子重緇搔
來更短方悔風流相悞郎潛幾縷漸疎了銅駝
俊遊儔侶縱有駮駮奈何詩思苦

又秋興

闌干只在鷗飛處年年怕吟秋興斷浦沉雲空
山挂雨中有詩愁千頃波聲未定望舟尾拖涼
渡頭龍暝正好登臨有人歌罷翠簾冷 悠然
魂墮故里奈閒情未了還被吹醒拜月虛簷聽

蚤壞砌誰復能憐嬌俊憂心耿耿寄桐葉芳題
冷風新詠莫遣秋聲樹頭喧夜永

又賦

犀紋隱隱鵝黃嫩籬落翠深偷見細雨重移新
霜試摘佳處一年秋晚荆江未遠想橋友荒涼
木奴嗟恐就說風流草泥來趁蟹螯健 并刀
寒映素手醉魂沉夜飲曾倚排遣沆瀣含酸金
甕裹玉莢菽吳鹽輕點瑤姬商軟待惜取團圓
莫教分散入手温存怕羅香自滿

又湖上即席分韻得羽字

鴛鴦拂破蘋花影低低起涼飛去画裏移舟詩
邊就夢葉葉碧雲分雨芳游自許過柳影闌波
水花半渚見說西風為人吹恨上瑤樹 闌干
斜照未滿杏牆應望斷春翠偷聚淺約接香深
盟搗月誰是窗間青羽孤筆幾柱問因甚參差
斲成離阻夜色空庭待歸聽俊語

又中秋宿真定驛

西風來勸涼雲去天東放開金鏡照野霜凝入
河桂溼一一米壺相映殊方路永更分破秋光
盡成悲境有客躊躇古庭空自吊孤影 江南
朋舊在許也能憐天際詩思誰領夢斷刀頭書
開鬢尾別有相思隨定憂心耿耿對風鵲殘枝
露蛩荒井斟酌姮娥九秋宮殿冷

燕婦梁

楚夢吹成樹外雲乍雁影斜分黃花心事一簾
塵但頰憶小腰身 今宵素壁冰絃冷怕彈斷
沈郎魂秋衣因甚滿愁痕是午預幾黃昏

又

獨臥秋窗桂未香怕雨點飄涼玉人只在楚雲
傍也著淚過昏黃 西風今夜梧桐冷斷無夢
到鴛鴦秋鉦二十五聲長請各自奈思量
月當聽

白壁舊帶秦城夢因誰拜下楊柳樓心正是夜
分魚輪不動香深時有露螢自照占風窠可喜
影魅金坐來久都將涼意盡付沉吟 殘雲事
緒無人捨恨箇箇藥娥歸去難尋綫取霧窗曾
唱幾拍清音猶有老來印愁處冷光應念雪翻
簪空獨對西風緊弄一井桐陰

秋霽

江水蒼蒼望倦柳愁荷共感秋色廢閣先涼古
簾空暮雁程最嫌風力故園信息愛渠入眼南
山碧念上國誰是鱸鱸江漢未歸客 還又歲
晚瘦骨臨風夜聞秋聲吹動岑寂露蛩悲清燈
冷屋翻書愁上鬢毛白年少俊遊渾斷得但可
憐處無奈冉冉魂驚採香南浦剪梅煙驛

滿江紅

中秋夜詞

萬水歸陰故潮信盈虛因月偏只到涼秋半破
關成雙絕有物揩磨金鏡淨何人拏攪銀河決

想子胥今夜見嫦娥沉寃雪 光直下蛟龍穴
聲直上蟾蜍窟對望中天地洞然如刷激氣已
能驅粉黛舉盃便可吞吳越待明朝說似與兒
曹心應折

又書懷

好領青衫全不向詩書中得還也費區區造物
許多心力未暇買田清潁尾尚須索米長安陌
有當時黃卷滿前頭多慙德 息往事嗟兒劇
憐牛後懷雞肋奈稜稜虎豹九重九隔三徑就
荒秋自好一錢不直貧相逼對黃花常待不吟
詩詩成癖

又九月二十一日出京懷古

緩轡西風歎三宿遲遲行客桑梓外鋤耒漸入
柳坊花陌雙闕遠騰龍鳳影九門空鎖鴛鴦翼
夏無人擲笛傷宮牆苔花碧 天相漢民懷國
天厭虜臣離德赴建瓴一舉并收鰲極老子豈

無經世術詩人不預平戎策辨一襟風月看昇

平吟春色

戀繡衾

吳梅初試澗谷春夜幽幽江雁叫雲人正在孤
窗底被穠愁熏破醉魂 雨窗只剩殘燈影伴
羅衣無限淚痕瘦骨怕紅綿冷說年時斗帳夜

又

黃華驚破九日愁正寒城風雨怨秋愁便是秋
心也又隨人來到西樓 因緣幸自天安頓更
題紅不禁御溝待寫與相思話為怕奴顛顛且
休

又 席上夢歸
漢章同賦

天風入扇吹苧衣小紅樓夜氣正微有人在水

絃外水精簾花影自移 陽臺只是虛無夢便

不成涼夜誤伊想開了瑠璃簾就一身明月伴

歸

換巢鸞鳳 梅意。花
菴作春情

人若梅嬌正愁橫斷塢夢繞谿橋倚風融漢粉
坐月怨秦簫相思因甚到纖腰定知我今無魂
可銷佳期晚漫幾度淚痕相照 人情天眇眇
花外語香時透郎懷抱暗握菱苗乍嘗櫻顆猶
恨侵塔芳草天念王昌忒多情換巢鸞鳳教借
老溫柔鄉醉美容一帳春曉

惜奴嬌

香剝酥痕自昨夜春愁醒高情寄冰橋雪鬢試
約黃昏便不悞春昏信人靜倚嬌娥留連秀影
吟鬢簪香已斷了多情病年年待將春管領
鏤月描雲不枉了關心性漫聽誰敢把紅顏比

竝

龍吟曲 即水龍吟
問梅劉寺

夜寒幽夢飛來小梅影下東風曉蝶魂未冷吾

身良是悠然一笑竹杖敲苔布鞵踏凍歲常先
到傷蒼林却恨諸風養月須我輩新詩吊 永
以南枝爲好怕從今逢花漸老愁消秀句寒回
斗酒春心多少之子逃空伊人避世又還驚覺
但歸來對月高情耿耿寄白雲杪

又雪

夢回虛白初生便疑冷月通窗戶不知夜久都
無人見玉妃起舞銀界回天瓊田易地晃然非
故想兒童健意生愁霽色情頻在窺簾處 一
片樵林釣浦是天教王維画取未如授簡先將
高興收婦妙句江路梅愁瀟陵人老又騎驢去
過章臺記得春風乍見倚簾吹絮

又 陪節欲行
留別社友

道人越布單衣興高愛學蘇門嘯有時也伴四
佳公子五陵年少歌裏眠香酒酣唱月壯懷無
撓楚江南每爲神州未復欄干靜慵登眺 今

日征夫在道敢辭勞風沙短帽休吟稷穗休尋
喬木獨憐遺老同社詩囊小窗針線斷腸秋早
看歸來幾許吳霜染鬢驗愁多少

鷓鴣天

睡袖無端幾摺香有人丹臉可占霜半窗月印
梅猶瘦一律餅筵夜正長 情豔豔酒狂狂小
屏誰與画鴛鴦解衣恰恨敲金鈿驚起春風傷
枕囊

又 燈市
書事

御路東風拂醉衣賣燈人散燭籠稀不知月底
梅花冷只憶橋邊步綈歸 閉夢淡舊游非夜
深誰在小簾幃墨恩兒下團爐坐嚼處將人立
地時

又

搭柳關千倚佇頻杏簾蝴蝶繡床春十年花骨
東風淚幾點螺香素壁塵 簫外月夢中雲秦

樓楚殿可憐身新愁換盡風流性偏恨鴛鴦不念人

又衛驥道中
有懷其人

雁足無書古塞幽一程煙草一程愁帽簷塵重

風吹野帳角香銷月滿樓情思亂夢魂浮細

裙多憶弊貂裘官河水靜闌干暎徙倚斜陽怨

晚秋

惜黃花九月十日
定興道中

涵秋寒渚染霜丹樹尚依稀是來時夢中行路

時節正忠家遠道仍懷古更對著滿城風雨

黃花無數碧雲欲暮美人兮美人兮未知何處

獨自捲簾櫳誰為開尊俎恨不得御風歸去

玉燭新

疎雲縈碧岫帶晚日搖光半江寒嫩越溪近遠

空頻向過雁風邊回首酸心一縷念水北草芳

歸後輕醉醒隄月籠沙鞞鬆寶輪飛驟秦樓

屢約芳春記扇背題詩怕羅沾酒瘦愁易就因驚斷夢裏桃源難又臨風話舊想日暮梅花孤瘦還靜倚修竹相思盈盈翠袖

一剪梅

誰寫梅谿字字香沙邊幽夢常恁芬芳不如花

解伴昏黃只怕東風吹斷人腸小閣無燈月

浸窗香吹羅袖酒映宮妝如今竹外怕思量

裏佳人一片冰霜

又追感

秦客當樓泣鳳簫宮衣香斷不見纖腰隔年心

事又今宵折盡冰絃何用鸞膠些子輕魂幾

度銷蘭騷蕙些無計重招東窗一段月華嬌也

帶春愁飛上梅梢

醉落魄

鴛鴦意愜空分付有情眉睫齊家蓮子黃金葉

爭比秋苔靴鳳幾番躡牆陰日白花重疊囚

窗軟語屢驚怯宮香錦字將盈篋雨長新寒今夜夢魂接

又浙江送人時子振之官越幕

江痕妥貼日光熨動黃金葉闌干直下愁相接
一朶紅蓮飛上越人檝 鯉魚波上丁寧切詩
箇如綫不曾別明年好箇春風客五鷄交飛身
在玉皇闕

醉公子咏梅寄南湖先生

神仙無羣澤瀉裾珠珮卷下塵陌秀骨依依誤
向山中得與相識溪岬側倚高情自鎖煙翠時
點空碧念香襟沾恨酥手剪愁今後夢魂隔
相思暗驚清吟客想玉照堂前樹三百雁翅霜
輕鳳羽寒深誰護春色詩鬢白總多因水村攜
酒煙墅留屐更時帶明月同來與花為表德

步月

剪柳章臺問梅東閣醉中攜手初歸逗香簾下

瓊瑤鏤金衣正依約米絲射眼更在苒瓚玉西
飛輕塵外雙鴛細感誰賦洛濱妃 霏霏紅霧
繞步搖共鬢影吹入花圍管絃將散人靜燭籠
稀泥私語香櫻乍破怕夜寒羅襪先知歸來也
相偎未肯入重幃

余幼讀漢書燕詞便心醉梅溪今讀其全集

如醉士生春柳髮梳月等語則柳昏花

暝之句又不足多矣姜白石稱其身為清逸

有香長吉之韵蓋能融情景于一氣會句

意于兩得宜易及耶 湖南毛晉識

梅溪詞 終

題白石詞

詞客題

姜夔字堯章自號白石道人中
興詩家名派其歲除舟行十絕
膾炙人口詞極精妙不減清真
樂府其間高處有美成所不能
及善吹簫自製曲初則率意為
長短句然後協以音律云居鄱
陽進樂書免解不第而卒花菴

白石詞

目錄

探春慢

一詞

一萼紅

一詞

揚州慢

一詞

暮山溪

一詞

點絳脣

一詞

暗香

一詞

疎影

一詞

長亭怨慢

一詞

齊天樂

一詞

小重山令

一詞

鷓鴣天

三詞

憶王孫

一詞

湘月

一詞

念奴嬌

一詞

惜紅衣

一詞

琵琶仙

一詞

秋宵吟

一詞

少年遊

一詞

鬲溪梅令

一詞

淒涼犯

一詞

翠樓吟

一詞

清波引

一詞

法曲獻仙音

一詞

玲瓏四犯

一詞

淡黃柳

一詞

側犯

一詞

鬲溪梅令

一詞

石湖仙

一詞

解連環

一詞

玉梅令

一詞

踏莎行

一詞

八歸

一詞

白石詞目錄

終

白石詞

宋 姜夔

探春慢

過苕雪別鄭次皋諸君

衰草愁煙亂鴉送日風沙回旋平野拂雪金鞭
欺寒茸帽還記章臺走馬誰念漂零久設嬴得
幽懷難寫故人清沔相逢小窗閒共情話長
恨離多會少重訪問竹西珠淚盈把雁殢沙平
漁汀人散老去不堪遊冶無奈茗溪月又喚我
扁舟東下甚日歸來梅花亂零春夜

一萼紅

人日長沙登定王臺

古城陰有官梅幾許紅萼未宜簪池面冰膠牆
腰雪老雲意還又沉沉翠藤共閉穿徑竹漸笑
語驚起臥沙禽野老林泉故王臺榭呼喚登臨
南去北來何事蕩湘雲楚水目極傷心朱戶
黏雞金盤簇燕空嘆時序侵尋記曾共西樓雅
集想垂柳還裊萬絲金待得歸鞍到時只怕春

深

揚州慢

中呂宮。淳熙丙申至日余過維揚夜雪初霽麥艸望入其城則四顧蕭條寒水自碧暮色漸起戍角悲吟予懷愴然感概今昔因自度此曲干巖老人以為有黍離之悲也。此後凡載宮調者皆是自製曲。

淮左名都竹西佳處解鞍少駐初程過春風十
里盡薺麥青青自胡馬窺江去後廢池喬木猶
厭言兵漸黃昏清角吹寒都榭空城 杜郎俊
賞算如今重到須驚縱豈惹詞工青樓夢好難
賦深情二十四橋仍在波心蕩冷月無聲念橋
邊紅藥年年知為誰生

驀山溪

題錢氏溪月

與鷗為客綠野留吟屐兩行柳垂陰是當年仙
翁手植一亭寂莫煙外帶愁橫荷冉冉展涼雲
橫臥虹千尺 才因老盡秀句君休覓萬綠正
迷人更愁入山陽夜笛百年心事惟有玉欄知
吟未了放船回月下空相憶

點絳脣

丁未冬 過吳松

燕雁無心太湖西畔隨雲去數峰清苦商略黃昏雨 第四橋邊擬共天隨住今何許凭闌懷

古殘柳參差舞

暗香

仙呂宮。辛亥之冬余載雪詣石湖止既月授簡索句且徵新聲作此兩曲石湖把玩不已使工妓肄習之音節諧婉乃命之曰暗香疎影

舊時月色算幾番照我梅邊吹笛喚起玉人不

管清寒與攀摘何遜而今漸老都忘却春風詞

筆但怪得竹外疎花香冷入瑤席 江國正寂

寂嘆寄與路遙夜雪初積翠尊易泣紅萼無言

耿相憶長記曾攜手處千樹壓西湖寒碧又片

片吹盡也幾時見得

疎影

仙呂宮

苔枝綴玉有翠禽小小枝上同宿客裏相逢籬

角黃昏無言自倚脩竹昭君不慣胡沙遠但暗

憶江南江北想珮環月夜歸來化作此花幽獨

猶記深宮舊事那人正睡裏飛近蛾綠莫侶

春風不管盈盈早與安排金屋還教一片隨波

去又却怨玉龍哀曲等恁特重覓幽香已入小

窗橫幅

長亭怨慢

中呂宮。極大司馬云昔年種柳依依漢南今看搖落棲塘江潭樹猶如此人何以堪此語余深愛之

漸吹盡枝頭香絮是處人家綠深門戶遠浦繁

迴算帆零亂向何許聞人多矣誰得似長亭樹

樹若有情時不會得青青如此日算 望高城

不見只見亂山無數韋郎去也怎忘得玉環分

付第一是早早歸來怕紅萼無人為主算只有

并刀難剪離愁千縷

齊天樂

蟋蟀中節 呼為促織

庾郎先自吟愁賦淒淒更聞私語露濕銅鋪首

侵石井都是會聽伊處哀音似訴正思婦無眠

起尋機杼曲曲屏山夜涼獨自甚情緒 西窗

又吹暗雨爲誰頻斷續相和砧杵候館吟秋離
宮吊月別有傷心無數幽詩謾與笑籬落呼燈
世間兒女寫入琴絲一聲聲更苦

宣政間有士大夫製蟋蟀

吟

小重山令

譚州紅梅

人繞湘臯月墜時斜橫花樹小漫愁漪一春幽
事有誰知東風冷香遠茜裙歸鷗去昔遊非
遙憐花可可梦依依九疑雲杳斷魂啼相思五

都沁綠筠枝

鷓鴣天

元夕不出

憶昨天街預賞時柳慳梅小未教知而今正是
歡遊夕却怕春寒自掩扉簾寂寂月低低舊
情唯有絳都詞美容影暗三更後臥聽鄰娃笑
語歸

又

芸溪記所見

京洛風流絕代人因何風絮落溪津籠鞦淺出

鴉頭戩知是凌波縹緲身紅乍笑綠長嘔與
誰同度可憐春鴛鴦獨宿何曾慣化作西樓一
縷雲

又

十六夜出

輦路珠簾兩行垂千枝銀燭舞微微東風歷歷
紅樓下誰識三生杜牧之歡正好夜何其明
朝春過小桃枝鼓聲漸遠遊人散惆悵歸來有
月知

憶王孫

番禺彭氏卜樓

冷紅葉葉下塘秋長與行雲共一舟零落江南
不自由兩綉繆料得吟鸞夜夜愁

湘月

雙清即念奴橋之高情筆也

五湖舊約問經年底事長負清景暝入西山漸
喚我一葉夷猶乘興倦網都收歸禽時度月上
汀洲冷中流容與画橈不點清鏡誰解喚起
湘靈煙鬟霧鬢理哀絃鴻陣玉塵談玄歎坐客

多少風流名勝暗柳蕭蕭飛星冉冉夜久知秋
信龜魚應好舊家樂事誰省

念奴嬌 吳興
荷花

闌紅一舸記來時長與鴛鴦為侶三十六陂人
未到水佩風裳無數翠葉吹涼玉容消酒更灑
菰蒲雨嫋然搖動冷香飛上詩句 日暮青蓋
亭亭情人不見爭忍凌波去只恐舞衣寒易落
愁入西風南浦高柳垂陰老魚吹浪留我花間
住 田田多少幾回沙際歸路

惜紅衣 吳興荷花
無射宮

簾枕逸涼琴書換日睡餘無力細灑水泉并刀
破甘碧牆頭喚酒誰問訊城南詩客岑寂高樹
晚蟬說西風消息 虹梁水陌魚浪吹香紅衣
半狼籍維舟試望故國渺天北可惜渚邊沙外
不美美人遊歷問甚時同賦三十六陂秋色

琵琶仙 吳興
荷花

雙鬟來時有人似舊曲桃根桃葉歌扇輕約飛
花蛾眉正奇絕春漸遠汀洲自綠更添了幾聲
啼鳩十里揚州三生杜牧前事休說 又還是
宮燭分煙奈愁裏肉肉換時節都把一襟芳思
與空階榆莢千萬縷藏鴉細柳為玉尊起舞迴
雪想見西出陽關故人初別

秋宵吟 越
調

古簾空墜月皎坐久西窗人情蛩吟苦漸漏水
丁丁箭壺催曉引涼颺動翠葆露脚斜飛雲表
因嗟念似去國情懷算帆煙草 帶眼銷磨為
近日愁多頓老衛娘何在宋玉歸來兩地暗縈
繞搖落江楓早嫩約無憑幽夢又杳但盈盈淚
灑單衣今夕何夕恨未了

少年遊 蘇軾
詞

雙蝶春合雙蛾先斂家在碧雲西別母情懷隨
那滋味桃葉渡江時 扁舟載了箇箇去今夜

泊前溪楊柳津頭梨花牆外心事兩人知

鬲溪梅令

仙呂調。無錫歸寓意

好花不與帶香人浪蹴蹴又恐春風歸去綠成

陰玉鈿何處尋 木蘭雙葉夢中雲水橫陳謾

向孤山山下覓盈盈翠禽啼一春

淒涼犯

仙呂調犯商調合肥秋夕

綠楊巷陌西風起邊城一片離索馬嘶漸遠人

歸甚處戍樓吹角情懷正惡更衰草寒煙淡薄

似當時將軍部曲迤邐度沙漠 追念西湖上

小舫攜歌晚花行樂舊遊在否想如今翠凋紅

落謾寫羊裙等新雁來時繫著怕囟囟不肯寄

與悞後約

翠樓吟

雙調。武昌安遠樓成

月冷龍沙塵清虎落今年漢擘初陽新翻胡部

曲聽氈幕元戎歌吹層樓高峙看檻曲紫紅簷

牙飛翠人姝麗粉香吹下夜寒風細 此地宜

有詞仙擁素雲黃鶴與君遊戲玉椀凝望久歎
芳草萋萋千里天涯情味仗酒被清愁花嬌英

氣西山外晚來還捲一簾秋霽

清波引

倚

冷雲迷浦倩誰喚玉妃起舞歲華如許野梅弄

眉樨展齒印蒼蘚漸為尋花來去自隨秋雁南

來望江國渺何處 新詩謾與好風景長是暗

度故人知否抱幽恨難語何時芙蓉艇莫負滄

浪煙雨况有清夜啼猿怨人良苦

法曲獻仙音

張彥功官舍

虛閣籠寒小簾通月暮色偏憐高處樹隔離宮

水平馳道湖山盡入尊俎奈楚客淹留久砧聲

帶愁去屢回顧 過秋風未成婦計誰念我重

見冷楓紅舞喚起淡粧人問連仙今在何許象

筆鸞牋甚而今不道秀句怕平生幽恨化作沙

邊煙雨

玲瓏四犯

越中寒食聞
蕭鼓感懷

疊鼓夜寒垂燈春淺匆匆時事如許倦遊歡意
少倦仰悲今古江淹又吟恨賦記當時送君南
浦萬里乾坤百年身世惟有此情苦 揚州柳
垂官路有輕盈喚馬端正窺戶酒醒明月下夢
逐潮聲去文章信美知何用謾贏得天涯羈旅
教說與春來要尋花伴侶

淡黃柳

正平調近
客合肥

空城曉角吹入垂楊陌馬上單衣寒惻惻看盡
鴉黃嫩綠都是江南舊相識正岑寂 明朝又
寒食強攜酒小橋宅怕梨花落盡成秋色燕燕
飛來問春何在唯有池塘自碧

側犯

詠芍
藥

恨春易去甚春却向揚州住微雨正繭粟稍頭
弄詩句紅橋二十四總是行雲處無語漸半脫
宮衣笑相顧 金壺細葉千朵圍歌舞誰念我

鬢成絲來此芙蓉俎後日西園綠陰無數寂莫
劉郎自修花譜

眉嫵

亦名百宜嫵
戴張仲遠

看垂楊連苑杜若吹沙愁損未歸眼信馬青樓
去重簾下娉婷人妙飛燕翠尊其款聽豔歌郎
意先感便攜手月地雲堦裏愛良夜微燠 無
限風流疎箴有暗藏弓履偷寄香翰明日聞津
鼓湘江上催人還解春纜亂紅萬點悵斷魂煙
水遙遠又爭似相攜蔡一舸鎮長見

石湖仙

越調。壽
石湖居士

松江煙浦是千古三高遊衍佳處須信石湖仙
侶鳴夷翩然引去浮雲安在我自愛綠香紅舞
容與看世間幾度今古 盧溝舊會駐馬為黃
花閉吟秀句見說胡兒也學綸巾飲雨玉友金
蕉玉人金縷緩移筆柱聞好語明年定在槐府
解連環

玉鞍重倚却沉吟未上又縈離思爲大喬能撥

春風小喬妙移箏雁啼秋水柳怯雲鬆夏何必

十分梳洗道郎攜羽扇那日隔簾半面曾記

西窗夜涼雨霽歎幽歡未足何事輕弃問後約

空指薔薇算如此溪山甚時重至水驛燈昏又

見在曲屏近底念惟有夜來皓月照伊自睡

玉梅令

高平調。在湖曼。寒不出作此戲之。

疎疎雪片散入溪南苑春寒鎖舊家亭館有玉

梅幾樹背立怨東風高花未吐暗香已遠 公

來領客梅花能勸花長好願公更健便揉春爲

酒剪雲作新詩拚一日繞花千轉

踏莎行

金陵感夢

燕燕輕盈鶯鶯嬌軟分明又向華胥見夜長爭

得薄情知春初早被相思染 別後書詞別時

針線離魂暗逐郎行遠淮南皓月冷千山冥冥

歸去無人管

八歸

湘中送胡德華

芳蓮墜粉疎桐吹綠庭院暗雨乍歇無端抱影

銷魂處還見篠牆螢暗薛階蛩切送客重尊西

去路問水面琵琶誰撥最可惜一片江山總付

與啼鳩 長恨相從未款而今何事又對西風

離別渚寒煙淡棹移人遠縹緲行舟如葉想文

君望久倚竹愁生步羅襪歸來後翠尊雙飲下

了珠簾玲瓏閒看月

白石詞盛行於子多逸五湖履約及燕雁

無心諸詞前人云花菴極愛白石送孫三道

既讀絕妙詞送果了具載真完璧也范石

湖評其詩云有裁雲縫月之妙手歎全晏

之奇聲予于其詞云云南東夫子少年

官游中獨賞其詞以其兄之子妻之不第四年

惜哉湖南毛晉識

白石詞

終

題石林詞

右丞葉公以經術文章為世宗
儒翰墨之餘作為歌調亦妙天
下元符中予兄聖功為鎮江掾
公為丹徒尉得其小詞為多是
時妙齡氣豪未能忘懷也味其
詞婉麗綽有溫李之風晚歲落
其華而實之能於簡淡時出雄

傑合處不減靖節東坡之妙豈

近世樂府之流哉陳德昭始得
之喜甚出以示余揮汗而書不
知暑氣之去也詩云誰能執熱
逝不以濯公詞之能慰人心蓋
如此紹興十七年七月九日東
廡關注書

石林詞

目錄

賀新郎 一調 水調歌頭 七調

八聲甘州 四調 念奴嬌 三調

滿庭芳 三調 滿江紅 二調

應天長 一調 定風波 四調

江城子 五調 竹馬兒 一調

浣溪沙 八調 永遇樂 二調

臨江仙 十九調 虞美人 八調

減字木蘭花 三調 木蘭花 一調

點絳脣 三調 鷓鴣天 七調

水龍吟 二調 千秋歲 二調

暮山溪 一調 清平樂 一調

雨中花 一調 南鄉子 三調

卜算子 二調 菩薩蠻 一調

蝶戀花 一調 醉蓬萊 一調

南歌子 一調

採桑子 一調

石林詞目錄 終

石林詞

宋 葉夢得

賀新郎 或別李王

曉起流鶯語掩蒼苔房櫳向晚亂紅無數吹盡
殘花無人見惟有垂楊自舞漸暝靄初回輕暑
寶扇重尋明月影暗塵侵上有棄鸞女驚舊恨
遽如許 江南夢斷橫江渚浪黏天葡萄漲綠
半空煙雨無限樓前滄波意誰採蘋花寄取但
悵望蘭舟容與萬里雲飄何時到送孤鴻目斷
千山阻誰爲我唱金縷

水調歌頭

濠州觀魚臺作

渺渺楚天闊沫水去無窮兩崖不辨牛馬輕浪
舞回風獨倚高樓一笑圍圍遊魚來往還戲此
波中危檻對千里落日照晴空 子非我安知
我意真同鴨飛鷗化何有滄海漫冲融堪笑磻
溪遺老白首直釣溪畔歲晚忽衰翁功業竟安

在徒自兆非熊

又 九月望日與客習射西園余病不能射

霜降碧天靜秋事促西風寒聲隱地初聽中夜
入梧桐起瞰高城回望寥落關河千里一醉與
君同疊鼓鬧清曉飛騎引雕弓 歲將晚客爭
笑問衰翁平生豪氣安在走馬爲誰雄何似當
筵虎士揮手絃聲響處雙雁落遙空老矣真堪
愧回首望雲中

又 送八舅朝請

江海渺千里飄蕩歎流年等閒疋馬相過蔡興
却儵然十載悲歡如夢撫掌驚呼相語往事盡
飛煙此會真難偶此醉且留連 酒方半誰輕
便動離絃我歌未闕公去明日復山川空有高
城危檻縹緲當筵清唱餘響落尊前細雨黃花
後飛雁落遙天

又 湖光亭落成

脩眉場遙碧清鏡走回流堤外柳煙深淺碧瓦
起朱樓分付平雲千里包卷騷人遺思春色入
簾鈞桃李盡無語波影動蘭舟 念謝公平生
志在滄洲登臨漫懷風景佳處每難酬却歎從
來賢士如我與公多矣名迹竟誰畱惟有尊前
醉何必問消憂

又次韻叔父寺丞林
德祖和休官詠懷

今古幾流轉身世兩萍忙那知一丘一壑何處
不堪藏須信超然物外容易扁舟相踵分占水
雲鄉雅志真無負來日故應長 問騏驎空矯
首為誰昂冥鴻天際塵事分付一輕芒認取騷
人生此但有輕蓬短楫多製芰荷裳一笑陶彭
澤千載賀知章

又癸丑
中秋

河漢只平野香霧捲西風倚空千嶂橫起銀闕
正當中常恨年年此夜醉倒歌呼誰和何事與

君同莫恨歲華晚容易感梧桐 攬清影君試
與問天公遙知玉斧初斲重到廣寒宮付與孤
光千里不遺微雲點綴為我洗長空老去狂猶
在應未笑衰翁

又

秋色漸將晚霜信報黃花小窗低戶深映微路
繞欹斜為問山公何事坐看流年輕度拚却鬢
雙華徙倚望滄海天淨水明霞 念平昔空飄
蕩偏天涯歸來三徑重埽松竹本吾家却恨悲
風時起冉冉雲間新雁邊馬怒胡笳誰似東山
老談笑淨胡沙

八聲甘州

壽陽樓八
公山作

故都迷嶢草望長淮依然繞孤城想烏衣年少
芝蘭秀發戈戟雲橫坐看驕兵南渡沸浪駭犇
鯨轉眄東流水一顧功成 千載八公山下尚
斷岬草木遙擁崢嶸漫雲濤吞吐無處問豪英

信勞生空成今古笑我來何事愴遺情東山老
可堪歲晚獨聽柝

又

正月二日作是歲閏
正月十四日纔立春

又新正過了問東風消息幾時來笑春工多思
留連底事猶未輕回應爲瑤刀裁剪容易惜花
開試向湖邊望幾處寒梅 好是綠莎新徑剝
安排芳意特地重栽便從今追賞莫遣暫停盃
有千株深紅淺白倩緩歌急管特相催憑看取
暝煙細霽先到高臺

又

問浮家泛宅自玄真去後有誰來漫煙波千頃
雲峰倒影空翠成堆可是溪山無主佳處且徘徊
算雨捲晴野落照天開 老去餘生江海伴
遠公香火猶有宗雷便何妨元亮攜酒間相陪
寄清談芒屨筇杖夏盡駢風月入尊罍江村路
我歌君和莫棹船回

又

甲辰承詔知此字初
雖上劉無言相過

寄知還倦鳥對飛雲無心兩難齊漫飄然欲去
悠然且止依舊山西十畝荒園未遍趁雨却鋤
犁敢忘鄰翁約有酒同攜 况是岩前新建帶
小軒橫絕松桂成蹊試憑高東望雲海與天低
送滄波浮空千里照斷霞明滅卷晴霓君休笑
此生心事老更沉迷

念奴嬌

南浦渡楊子作
離虎淵明語

故山漸近念淵明歸意翛然誰論歸去來分秋
已老松菊三徑猶存稚子歡迎飄飄風袂依約
舊衡門琴書蕭散更欣有酒盈尊 惆悵萍梗
無根天涯行已徧空負田園去矣何之窗戶小
容膝聊倚南軒倦鳥知還晚雲遙映山氣欲黃
昏此還真意故應欲辨忘言

又

中秋燕客自棹子
午歲吳江長齋

洞庭波冷望水輪初轉滄海沉沉萬頃孤光雲

陣卷長笛吹破層陰洶湧三江銀濤無際遙帶
五湖深酒闌歌罷至今鬢怒龍吟 回首江海
平生漂流容易散佳會難尋縹緲高城風露爽

獨倚危闌重臨醉倒清尊姪娥應笑猶有向來
心廣寒宮殿爲子驛倚瓊林

或刻百字令
字句迥異

又

雲峰橫起障吳關三面眞成尤物倒卷回潮目
盡處秋水粘天無壁綠鬢人歸如今雖在空有
千莖雲追尋如夢謾餘詩句猶傑 聞道尊酒
登臨孫郎終古恨長歌時發萬里雲屯瓜步晚
落日旌旗明滅鼓吹風高画舫遙想一笑吞窮

髮當時曾照叟誰重問山月

滿庭芳

雨後極目亭寄示
張敏仲程致道

麥隴如雲清風吹破夜來疎雨纔晴滿川煙草

殘照落微明縹緲危欄曲檻遙天盡日脚初平

青林外參差暝靄縈帶遠山橫 孤城春雨過

綠陰是處時有鶯聲問落絮遊絲畢竟何成信
步蒼苔遠徧眞堪付閑客閑行微吟罷重回皓
首江海渺送情

又

張敏叔程致道和
示復用韻寄酬

楓落吳江扁舟搖蕩算山斜照催晴此心長在
秋水共澄明底事經年易拚驚遺恨悄悄難平
臨風處佳人萬里霜笛與誰橫 長城誰敢犯
知君五字元有詩聲笑茅舍何時歸此眞成絲
鬢朱顏老盡柴居在行卽終行聊相待在唱醉
舞雖老未忘情

又

次韻俞蔡州王
道濟大夫見寄

一曲離歌煙林人去馬頭微雪新晴隔年光景
回首近清峭斷送殘花又老春波靜湖水初平

誰重到雕欄盡日遙想画橋橫 高城凝望久

何人爲我重唱餘聲問桃李更有幾處陰成老

去從遊似夢尊前事空有經行處能記慇懃寄

語多謝故人情

滿江紅 重陽賞菊時
余已除代

一朶黃花先催報秋歸消息滿芳枝凝露爲誰
裝飾便向尊前拚醉倒古今同是東籬側問何
須特地賦歸來拋彭澤 回首去年時節開口
笑真難得使君今那更自成行客霜鬢不辭重
挿滿他年此會何人憶記多情曾伴小闌干親

攀摘

又

雪後郊原煙林外梅花初拆春欲半猶自探春
消息一眼平蕪看不盡夜來小雨催新碧笑去
年攜酒折花人花應識 蘭舟漾城南陌雲影
淡天容窄繞風漪十頃瑩浮晴色恰是槎頭收
釣處坐中仍有江南客問如何兩槩下菖溪吞
雲澤

應天長

自輯上縣
改選其作

松陵秋已老正柳嘶田家酒醅初熟鱸膾蓴羹
萬里水天相續扁舟波浩渺寄一葉草濤吞沃
青蕩笠西塞山前自翻新曲 來往未應足便
細雨斜風有誰拘束陶寫中年何待夏須絲竹
鷗夷千古意算入手比來尤速最好是千點雲
峯半篙澄淥

定風波

與幹舉才卿步
西園始見青梅

破夢初驚一點紅又看青子映簾櫳水雪肌膚
誰復見清淺尙餘疎影照晴空 惆悵年年桃
李伴腸斷祇應芳信負東風待得微黃春亦暮
煙雨半和飛絮作濛濛

又

渺渺空波下夕陽睡痕初破水風涼過雨歸雲
留不住何處遠村煙樹半微茫 莫笑經年人
老矣歸計得遲留處也何妨老子興來殊不淺
簾捲夏邀明月坐胡床

又

千步長虹跨碧流
兩山浮影轉螭頭
付與詩人
都總領風景
更逢仙客下瀛洲
嫋嫋涼風吹
汗漫平岬
遙空新卷絳河收
却怪姮娥真好事
須記探支明月作中秋

又

斜漢初看素月流
坐驚金餅出雲頭
華髮蕭然
吹素領光景
何妨分付屬滄洲
莫待霜花飄
爛熳蘋岬
更憑佳句盡拘收
解與破除消萬事
猶記一尊同得二年秋

此魯卿見和復舍之

江城子

原刻六闋效銀濤無際卷蓬瀛是東坡詞刪去

碧潭浮影蘸紅旗
日初遲
漾晴漪
我欲尋芳先
遣報春知
盡放百花連夜發
休更待曉風吹
滿攜尊酒
弄繁枝
與佳期
伴羣嬉
猶有邦人爭
唱醉翁詞
應笑今年狂太守
能痛飲似當時

又
大雪出客
至極三序

蹁躑飛舞半空來
曉風催巧綵
迴野曠天遙
回望興悠哉
欲問玉京知遠近
試攜手上高臺
雲濤無際
卷崔嵬
欲浮埃
照瓊瑰
點綴林花真
個是多才
說與化工留妙手
休盡放一時開

又
再送
盧倅

芙蓉開過雨初晴
曲池平
画橋橫
耿耿銀河遙
下蘸空明
一舸吳松
歸未得
聊共住小蓬瀛
問君何事
引前旌
趣歸程
背高城
魚鳥三年誰
道總無情
試遣他年歌此曲
應尚記別時聲

又
登小吳
登小飲

生涯何有但青山
小溪灣
轉潺湲
投老歸來終
寄此山間
茆舍半欹風雨橫
荒徑晚亂榛菅
強扶衰病
上巉巔
水雲閒
伴躋攀
湖海蒼茫千
里在吳關
漫有一盃聊自醉
休更問鬢毛斑

又
次韵葛魯
敬上元

甘泉祠殿漢離宮
五雲中
渺難窮
永漏通宵壺

矢轉金銅曾從釣天知帝所孤鶴老寄遼東
強扶衰病步龍鍾雪花濛打窗風一點青燈惆
悵伴南宮唯有使君同此恨丹鳳口水雲重

竹馬兒

與君記平山堂前細柳幾回同挽又征帆夜落
危檻依舊遙臨雲嶽自笑來往匆匆朱顏漸改
故人俱遠橫笛想遺聲但寒松千丈傾唾蒼蘚
世事終何已田陰縱在歲陰仍晚稻康老來
尤懶只要尊羹菰飯却欲便買茆廬短篷輕櫂
尊酒猶能辦君能過我水雲聊爲伴

浣溪沙

重陽一日
極目亭

小雨初回昨夜涼繞籬新菊已催黃碧空無際
卷蒼茫千里斷鴻供遠目十年芳草掛愁腸
緩歌聊與送瑤觴

又

睡粉輕消露臉新醉紅初破玉肌勻尊前留得

兩州春 剝挽雕盤歎醉帽重催飛騎走紅塵
十年蘭蕙笑騷人

又 送盧
倅

荷葉荷花水底天玉壺冰酒釀新泉一歡聊復
記他年 我亦故山歸去客與君分手暫流連
佳人休唱好因緣

又 意在
亭

休笑山翁不住山二年偷向此中閒歸來贏得
鬢毛斑 甕底新醅供酌酊城頭曲檻俯涼潺
山翁元在此山間

又 許公堂席上
次韻王幼安

絳蠟燒殘夜未分寶箏聲暝拍初勻斗樞光照
坐生春 便恐賜還歸袞繡莫辭揮翰落煙雲
鳳城西去斷離魂

又 用前韵再
畬幼安

綠野歌歡喜見分驟驚和氣曉來勻妙歌誰敢

和陽春 梅蓋舊年迎臘雪月華今夜破寒雲

獨醒爭笑楚人魂

又次韻王幼安曹存之園亭席上

物外光陰不屬春斷留風景伴佳辰醉歸誰管

斷腸人 柳絮尚飄庭下雪梨花空作夢中雲

竹間籬落水邊門

又與曹卿酌別席上

千古風流詠白蘋二年歌笑擁朱輪翩翩却憶

上林春 劔履便應陪北闕袴襦那更假西人

玉堂金殿要詞臣

寄懷張敏叔程致道

永遇樂 蘋芷芳洲故人回首雲海何處五畝荒田慙勤

問我歸此真成否洞庭波冷秋風嫋嫋木葉亂

隨風舞記扁舟橫斜載月目極算濤煙渚 傳

聲試問垂虹千頃蘭棹有誰重駐雪濺雷翻潮

頭過後飄影歛前浦此中高興何人解道天也

未應輕付且留取千鍾痛飲與君共賦

又蔡州移中頓昌與客會別席芳觀席上或刻蘇子瞻

天末山橫半空簫鼓樓觀高起指點裁成東風

滿院總是新桃李綸巾羽扇一尊飲罷目送斷

鴻千里攬清歌餘音不斷縹緲尚縈流水 年

來自笑無情何事猶有多情遺息綠鬢未顏匆

匆拚了却記花前醉明年春到重尋幽夢應在

亂鶯聲裏拍闌干斜陽轉處有誰共倚

臨江仙

聞道今年春信早梅花不怕餘寒憑君先近向

南看香苞開遍未莫待北枝殘 腸斷隴頭他

日恨江南幾驛征鞍一盃聊與盡餘歡風情何

似我老去未應關

又雪後寄周十

夢裏江南渾不記祇今幽戶難忘夜來急雪繞

東坐竹窗松徑裏何處問歸艎 瓮底新醅應

已熟一尊知與誰嘗會須雄筆卷蒼茫雲濤聲
懸戶瓊玉照頰穠

又與客湖上飲

不見跳魚翻曲港湖邊特地經過蕭蕭疎雨亂
風荷微雲吹盡散明月墮平波 白酒一盃還
徑醉歸來散髮婆娑無人能唱採菱歌小軒歎
枕簟檐影挂星河

又送章長卿還姑蘇

碧瓦新霜優曉夢黃花已過清秋風飄何處挂
扁舟故人歸欲盡斜日更回頭 樂圃橋邊煩
俗問有人高臥江樓寄聲聊為訴離憂桂棹應
已老何事久淹留

又席上次韻

聞道安車來過我百花未敢飄零疾催絃管送
孟行五朝瞻舊老揮塵聽風生 鳳詔遠從天
上落高坐燕喜初醒莫言白髮減風情此時誰

得似飲罷却精神

又巖以道見和奮筆文若七句備命之二首

三月鶯花都過了曉來雪片猶未嵩陽居士記
行行西湖初水滿遙想殺紋生 欲為海棠傳
信息如今底事長醒不應高臥頓忘情留春春
不佳老眼若為明

又

唱徹陽關分別袂佳人粉淚空索請君重作醉
歌行一歡須痛飲回首念平生 却怪老來風
味減半酣易逐愁醒因花那更賦閒情鬢毛今
鬪耳空笑老淵明

又次韻洪忠成湖上

漱澗湖光供一笑未須醉日論千將軍曾記舊
臨邊野塘新水漫煙岬酒如船 却怪情多春
又老回腸易逐愁煎何如旌旆帶相連飢歌歸
玉帳錦帽碧油前

又同王幼安洪惠成
過曾存之園亭

學士園林人不到傳聲欲問江梅曲欄清淺小
池臺已知春意近為我著詩催 急管行觴圍
舞袖故人坐上三台 幼安與存
之少相從 此歡此宴固難

陪不辭同二老倒載習池回

又次韵俞幼安惠成
存之席上梅花

不與羣芳爭豔豔化工自許寒梅一枝臨晚照
歌臺眼明渾未見絃管莫驚催 記取劉郎歸
去路千年應話天台酒闌不惜更重陪夜寒衣
袂薄猶有暗香回

又 脫之
湖上

三日疾風吹浩蕩綠蕪未徧平沙約回殘影射
明霞水光遙泛坐煙柳互欹斜 雷鬢不堪春
點檢雷連又見芳華一枝重插去年花此身江

海夢何處定吾家

又 春臺與王取道賀
方回曾公家會別

自笑天涯無定準飄然到處遲雷與關却上五
湖舟鱸膾新有味碧樹已驚秋 臺上微涼初
過雨一尊聊記同遊寄聲時為到滄洲遙知歎
枕處萬壑看交流

又 次葛魯卿法華
山曲水勸酒

山半飛泉鳴玉珮回波倒卷縹緲解巾聊濯十
年塵青山應却怪此段久無人 行樂應須賀
太守風光過眼遠巡不辨常作坐中賓只愁花
解笑衰鬢不宜春

又 西園石春
亭新成

手種千株桃李樹參差半已成陰主人何事馬
駸駸二年江海路空負種花心 試向中間安
小檻此還長要追尋却驚搖落動悲吟春婦知
早晚為我變層林

又 南山絕頂作臺
新成與客賞月

絕頂參差千嶂外不知空水相浮下臨湖海見

三州落霞橫算景爲客小遲留 卷盡微雲天
更濶此行不負清秋忽驚河漢近人流青霄元
有路一笑倚瓊樓

又 明日與客復登
臺再用前韵

一醉三年那易得應湏大白同浮已知絕景是
吾州嫦娥仍有意更肯爲人留 萬籟無聲遙
夜永人間未識高秋從來我客盡風流故知憐
老子尤勝在南樓

又 明日小雨已而風大作復
晚晴遂見月與客再登

卷地驚風吹雨過却堪香霧輕浮遙知清影徧
南州萬峰橫玉立誰爲此山留 邂逅一歡須
莫惜年年長記今秋平生江海恨飄流元龍真
老矣無意臥高樓

又 鄧芳亭
贈生客

一醉年年今夜月酒船聊更同浮恨無羯鼓打
梁州遺聲猶好在風景一時留 老去狂歌君

勿笑已拚雙鬢成秋會須擊節泝中流一聲雲
外笛驚看水明樓 世傳梁州西梁府初進此曲
會明皇遊月宮還記霓裳之
曲遠相近因作霓裳羽衣曲以梁州名之是
夕約諸君酬夜泛舟故有梁州中流之句

又

草草一年真過夢此生不恨萍浮且令從事到
青州已能從辟殺那更話封留 好月尙尋當
日約故人何啻三秋援柔欲寫竹間流此聲誰
解聽吟上仲宣樓

虞美人

雨後同幹譽才卿置酒來禽花下
作或刻蘇子瞻或刻尚美成

落花已作風前舞又送黃昏雨曉來庭院半殘
紅惟有游絲千丈胃晴空 慙勤花下同攜手
更盡盃中酒美人不用歛蛾眉我亦多情無奈
酒闌時

又 極目亭
望西山

翻翻翠葉梧桐老雨後涼生早葛巾藜杖正關
情真遣繁蟬容易作秋聲 遙空不盡青天去

一抹殘霞暮病餘無力厭躋攀為寄曲欄幽意

到西山

又上巳席上

一聲鷓鴣催春晚芳草連空遠年年餘恨怨殘

紅可是無情容易愛隨風 茂林脩竹山陰道

千載誰重到半湖流水夕陽前猶有一觴一詠

似當年

又同蔡寬夫置酒王仲弓出歌人聲甚妙

東風一夜催春到楊柳朝來好莫辭尊酒重攜

持老去情懷能有幾人知 風臺園裏新詩件

不用相追喚一聲清唱落瓊卮千頃西風煙浪

晚雲遲

又

數聲微雨風驚曉燭影欹殘照客愁不奈五更

寒明日梨花開盡有誰看 追尋猶記清暉近

為向花前問東風正使解欺儂不道花應有恨

也匆匆

又寒食泛舟

平波漲綠春堤滿渡口人歸晚短篷輕楫費追

尋始信十年歸夢是如今 故人回望高陽

里遙想車連騎尊前點檢舊年春應有海棠猶

記插花人

又連堂睡起同次洞簫

綠陰初過黃梅雨隔葉聞鶯語睡餘誰遣夕陽

斜時有微涼風動入窗紗 天涯走徧終何有

白髮空搔首未須歸瑟怨年華為寄一聲長笛

怨梅花

又贈蔡子因

梅花落盡桃花小春事餘多少新亭風景尚依

然白髮故人相遇且畱連 家山應在層林外

悵望花前醉半天煙霧尚連空笑取扁舟歸去

與君同

減字木蘭花

黃花暫老秋色欲歸還
艸花下前期花老空
歌鵲踏枝 狂醒易醒不似舊時長
醅耐玉簾
新涼數盡更籌夜更長

又雪中賞
牡丹

前村夜半每寫江梅腸欲斷
淺紫深紅誰信漫
天雲裏逢 醉頭扶起宿酒闌
千箇困倚便莫
催殘明日東風為掃看

又 王幼安見和青
韵復用韵舍之

粉消粧半一曲陽春歌始斷
便覺香紅十倍光
華筇未逢 楊花吹起猶自風前
相枕倚莫恨
春殘畱取新詩仔細看

木蘭花 二月二十六日
晚雨集客湖上

花殘却似春畱戀幾日餘香吹酒面
溼煙不隔
柳條青小兩池塘初有燕
波光縱使明如練
可奈落紅紛似霰解將心事訴東風
只有啼鶯

千種轉

點絳脣 晚出山榭春初植蘭榭
則近復生紫芝十一本

高柳蕭蕭睡餘已覺西風勁
小窗人靜淅瀝生
秋聽 底事多情欲與流年競
殘雲暝墜巾幘
整獨立芝蘭徑

又 紹興乙卯登
絕頂小亭

縹緲危亭笑談獨在千峰上
與誰同賞萬里橫
煙浪 老去情懷猶作天涯想
空惆悵少年豪
放莫學衰翁樣

又 丙辰八月二十七日
西中與何彥亨小飲

山上飛泉漫流水下知何處
亂雲無數畱得幽
人住 深閉柴門聽盡空簷雨
秋還算小窗低
戶唯有寒蛩語

鷓鴣天 與幹春
賞梅

不怕微霜點玉肌
恨無流水照水姿
與君著意
從頭看初見今年第一枝
人醉後雪消時江

南春色寄來遲使君盡是花前客莫怪慙勤為

賦詩

又元夕次前幹譽

夾路行歌盡落梅篆煙香細裊寒灰雲移碧海

三山近月破中天九陌開 追樂事惜多才車

聲通聽走隨雷十年夢斷鈞天奏猶記流霞醉

後孟

又雨後湖上看落花

小雨初收報夕陽歸雲欲渡轉橫塘空回雨蓋

翻新影不見瓊肌洗暗香 追落景弄微涼尚

餘殘淚浥空床祗應自有東風恨長遺啼痕破

晚粧

又續標蓮曲

曉日初開露未晞夕陽輕散雨還微暗搖綿霧

游儻戲斜映紅雲屬玉飛 情脉脉恨依依沙

邊空見棹船歸何人解舞新聲曲一試纖腰六

尺圍

又次韵魯卿大窰觀太湖

蘭蕙空悲楚客秋旌旗誰見使君遊凌雲不隔

三山路破浪聊憑萬里舟 公欲去尚能畱孟

行到手未宜休新詩無物堪倫比願探珊瑚出

瑤鈞

又與魯卿晚雨泛舟出西郭用煙波定韵

天末殘霞卷暮紅波間時見沒鳧翁斜風細雨

家何在老矣生涯盡個中 惟此意與公同未

須持酒祝牛宮傷人不解青簑意猶說黃金寶

帶重

又

一曲青山映小池綠荷陰盡雨離披何人解識

秋堪美莫為悲秋浪賦詩 攜濁酒遶東籬菊

殘猶有傲霜枝一年好景君須記正是橙黃橘

綠時梁范堅常謂飲成惜敗者物之清秋為萬物成功之時宋玉作悲秋非是乃作美秋

云賦

水龍吟 西湖燕客作

對花常欲流春恨春故遣花飛早晚來雨過綠陰新處幾番芳草一片飄時已知消滅滿庭誰掃料多情也似愁人易感先催赴朱顏老 猶有清明未過但狂風匆匆難保酒醒夢斷年年此恨不禁煙草只恐春口應畱芳信與花爭好 有姚黃一朵慙勤付與送金盃倒

又 八月十三日與張少逸游道場山校自中流命工次備舟尾迎月歸作

旌樓橫笛孤吹暮雲散盡天如水人間底事忽驚飛墮水壺千里玉樹風清漫披捲與空無際謝端娥此夜慙勤偏照知人在千山裏 常恨孤光易轉仗多情使君料理口口口口口口口口口口口口口口一盃起舞曲終須記但尊前有酒常追舊事拚年年醉

千秋歲 大朝兵燹空五惠

曉煙溪畔曾記東風面化工更與重裁剪頰黃明艷粉不共妖紅軟凝露臉多情正是當時見誰向滄波呀特地移開館情一縷愁千點煩君搜妙語為我催清燕須細看紛紛亂葢空凡

又 小雨連日東窗獨宿不能寐有懷松上舊序

雨聲蕭瑟初到梧桐響人不寐秋聲爽低簷燈暗淡畫幕風來往誰共賞依稀記得船蓬上拍岸浮輕浪水闊菰蒲長向別浦收橫網綠簾衝暝色艇子搖雙槳君莫忘此情猶是當時唱

驀山溪 百花潭寄上女詞司錄董序

一年春事常恨風和雨趁取未殘時醉花前春應相許山翁倒載日暮習池回問東風春知否莫道空歸去滿城歌吹也似春和豫爭笑使君狂占風光不教飛絮明朝酒醒滿地落殘紅唱新詞追好景猶有君收聚

清平樂

水空相映淡碧涵千頃素練不收寒玉鏡影落
堦無影 纖纖與捧金盃暗香逐舞徘徊雪盡
玉容開遍東風不管寒梅

雨中花慢

寒食前一日小雨牡丹已
將開與客置酒室中戲作

痛飲狂歌百計強留風光無奈春去也應知相
賞未忍相違卷地風驚爭催春草雨頓回寒威
對黃昏蕭瑟冰膚洗盡猶覆霞衣 多情斷了
為花狂惱故飄萬點霏微低粉面粧臺酒散淚
顆頻揮可是盈盈有意祇應真惜分飛拚令吹
盡明朝酒醒忍對紅稀

南鄉子

池亭新
成晚步

淺碧蘸鱗鱗照眼全無一點塵百草千花都過
了初新翠竹高槐不占春 歌嘯墮綸巾午醉
醒來尚欠伸待得月明歸去也青蘋更有涼風
解送入

又

自後園晚
步湖上

小院雨新晴初聽黃鸝第一聲滿地綠陰人不
到盈盈一點孤花尚有情 却傍水邊行葉底
跳魚浪自驚日暮小舟何處去斜橫衝破浪痕
久未平

又

冬中種梅於西巖地瘦難立石間無花
今歲十一月驟先開數枝喜而為賦

山畔小池臺曾記幽人著意栽亂石參差春至
晚徘徊素景衝寒却自開 絕絕照瓊瑰孤負
芳心巧剪裁應恐練裙驚縞夜殘盃且放疎枝
待我來

卜算子

風皇亭
納涼

新月挂林梢暗水鳴枯沼時見疎星落画簷幾
點流螢小 歸意已無多故作連環繞欲寄新
聲問採蓮水闊煙波渺
又 並潤種木天
卷九月日盛開
曉雨洗新粧豔驚衰眼不趁東風取次開待

得清霜晚 曲港照回流影亂
微波淺作態低昂好自持水闊煙波遠

菩薩蠻 湖光亭晚集。草堂
兼作重疊金心秋思

平波不盡蕪葭遠清霜半落沙痕淺
煙樹晚微茫孤鴻下夕陽
梅花消息近試向南枝問記
得水邊春江南別後人

蝶戀花

薄雪消時春已半踏遍蒼苔手挽花枝看一縷
遊絲牽不斷多情更覺蜂兒亂
盡日平波回遠岫倒影浮光却記冰初泮
酒力無多吹易散餘寒向晚風驚幔

醉蓬萊

楚州上巳懷許下西洲寄
曾無之王仲弓文表

問東風何事斷送殘紅便拚歸去牢落征途笑
行人鬢旅一曲陽關斷雲殘靄做涓城朝雨欲
寄離愁綠陰千轉黃鸝空語
遙想湖邊浪搖空翠絃管風高亂花飛絮
曲水流觴有山公行

處翠袖未闌故人應也弄
画船煙浦會寫相思尊前為我重翻新句

南歌子

是日微雨過千而齊晚
途月出次劉無言韻

雨憎山容歛雲矜棹影開忽看霽色射林隈
為問明亭清影為誰來
盡洗婦時略重傾醉後
孟未應霜雪遽相催
留得佳期猶在笑徘徊

採桑子

冬至日與許幹魯章義道飯
續善晚歸寓作因留小飲

山蹊小路歸來晚
暮雪繽紛酒慙勤
邂逅相從只有君
全家住處無人到
元在重雲此景誰分萬玉參差更作羣

少益自稱石林居士晚年居卞山下奇石

森列藏書數萬卷
肅諫自娛所挾詩文甚

富有建康集
寄是葉葉語後人合編石林

總集百卷行世
外石林詞一卷
與范仲淹

傳俾有林下風
不作柔語
瑞人真詞家逸品

也其齋里姑未具
載年譜及本傳
湖南毛

音識

石林詞 終

